


EXPLICATIO FABRICAE ET VSVS.

dem sextante commodè capiantur; adinvenimus hoc compendium; ut posito alio Cylindro apud F, & alio pinnacidio juxta G, quæ duo æquidistant A E transeuntia Centro in circumferentiæ medium; & altero observatore per hoc pinnacidium, huncq; Cylindrum dispiciente; altero autem pinnacidio ad D, & Cylindro A attendente, Distantia stellarum à medio circumferentiæ juxta tricesimum Gradum usq; in pinnacidium D numeranda venit; sicq; quam parva etjam fuerit, nihil impedit observatorem utrûq; quò minùs haberi queat. Plura si de hoc Instrumento desideras, consule Progymnasmatum Astronomicorum ex meis Tomum primum, paginâ 247. & tribus sequentibus. Ibi latius hæc explanata invenies; siquidem in denotandis fixarum distantiiis, quas ibidem capite secundo Canonicè exposuimus, & ad normam Coelestem ad amussim expangimus, ejus plurimus usus extitit. De hoc enim Instrumento id testari possum, tanta certitudine & præcissione siderum præbere intercapedines, tamq; citò & facile, ut nihil in eo desiderari queat. Quod vel inde patet, si quis Distantias stellarum in antè dicto libro à pagina 195. usque ad 203. indicatas & usui applicatas penitus considerarit: quomodo videlicet, adhibita etiam stellarum Declinatione totum circuli ambitum in differentiis Adscensionalibus hinc Triangulorum ope extractis, ubi simul coæservatæ sunt, exactissimè complectitur & claudit. Quod fieri non posset, si aliquod subesset vitium. Quare hanc stellarum distantias tali Sextante observandi rationem hujus artis alumni sibi commendatam habeant.



SECC

SEXTANS CHALYBEVS PRO DITATIIS PER UNICUM OBSERVATO- rem dimitiendus.



EXPLICATIO FABRICAE ET VSVS.



CONSTRUXERAM etiam hanc antea alium sextantem e solido Chalybe constantem, & ita dispositum, ut unus Observator eo intermediente, Siderum remotiones, satis commodè scrutetur. Potestq; una totum hoc Instrumentum tam quoad ipsum sextantem, quam ejus fulcrum convenientibus cochleis disjungi, rursusq; componi; ut cista inclusum in alias, ubi opus fuerit, regiones transferri queat: quemadmodum etiam à nobis ante annos circiter 24. cum Germaniam transiremus, in juventute factum est.

Ejus verò fabrica ex ipsa figura utcunq; patet: Pleniorè Explicationem summariam hic repetitam addemus ex libro nostro secundo Progymnasmatum; ubi juxta calcem idem Instrumentum, & consignatum & expositum, Sextans ipse per A B C D repræsentatur & juxta A ipsius centrum est, cujus Arcus B D in sexaginta Gradus eorundemq; singula minuta more per transversales lineas nobis familiari divisus. Regulæ Instrumenti A B & B C in A circa clavum rotundum coaptantur, ut ampliari vel coarctari instar circini queat: idq; per cochleam literis G H indicatam, quæ quamvis directâ sit, tamen in parte qua Regulis ad hæret, matricibus undiquaq; mobilibus sic affigitur, ut Arcuali Instrumenti motui nihilo secius inserviat. Habet quoq; duo manubria literis I K signata, quibus inter collimandum Instrumentum apprehenditur. B & C sunt duo pinnacidia, circa quæ oculus ad O propè Centrum directus, duas stellas simul observat; beneficio cochleæ G H, angulû B A C ampliando, vel coarctando ubi Arcus B C distantia quæ sitam ostendit, nisi quod Parallaxis Instrumenti proveniens hinc subtrahenda sit. Quævis aliud quoddam mediû postea invenerim, ut paralleliter fiat collineatio, non minus quam in cæteris dioptris & pinnacidiiis: sicq; Parallaxeos subtractione non erit opus. Verum quia hæc dioptrarum ratio hic non est repræsentata, alibi eam explicare decrevimus: Ubi hic ipse sextans iis insignitur. Et in super pedestale habet, in quo adhuc sextans commodius in quodvis planum dirigitur. Est autem hujus sextantis utraq; Regula A B & A C cubitorum circiter trium, quibus Arcus ipsius B D subtensa coæquatur. Estq; totus hic sextans e solido chalibe affabrè elaboratus, nisi quod pinnacidia sunt Orichalcica; & fulcro cuidam incumbit, quò magis usui aptus & inter observandum tractabilior sit. Fulcrum autem & pedestale in hunc modum se habet: Primû, juxta V X Y Z basin decussatam, Terræ firmiter insistit: cui proximum quasi crus cavum est ad T, ut longa quædam cochlea ad Q in illud descendat, quæ per aliam perennem dictam, intra P conclusam, prout opus atollitur vel deprimitur; unaq; ipse sextans. Utraq; verò cochlea e solido ferri metallo, quemadmodum & tota superior fulcri pars, constat. Teres verò ferrum A O interiùs cavum, circa alium oblongum axem ipsi cochleæ Q, intermediente ibidem apparente capitello insignitum, e quo apex quidam egreditur, cui aliud longum ferrum literis L M ostensum ad hæret, quod ipsum sextantem sibi circa L infixum portet, qui per ejus totam longitudinem extendi potest. Estq; capitellum illud quadrilaterum, ac interiùs rotularum artificio ita concinnatum, ut quando ipsius cochlea ad N vertitur, tùm apex ille per interiorem rotulam oblongum ferrum L M unâ cum toto sibi inhærente sextante ad binarum stellarum situm hinc inde lateraliter inclinet. Per Arcum quoque S R ipsi tereti ferro O H, de quo dictum circa S peculiari junctura insertum centrum ad A positum unâ cum ipso sextante elevatur ac remittitur, prout Altitudo vel declivitas stellæ postulat, firmaturq; ut libet, in eodem Arcu per cochleam ab altera parte juxta 9. adjunctam. Sed hæc omnia oculari intuitu & tractatione melius percipiuntur. Hoc quidem Instrumento, quod ante plurimos annos confici curavi, intercapedines Siderum scrutatus sum: Eratq; ejus maximus usus in Observationibus Cometæ anni 77. Quare etiam in libro, quem luculenter de eodem conscripsimus, circa finem (uti dixi) consignatus hic sextans uberius describitur. Si quis volet, plura ibidem à pagina 459. usque ad pag. 461. de eodem legat.

U s u s ejus est pro capiendis Astrorum distantiiis intra sextam Circuli partem idque ab uno solummodo observatore, qui applicato oculo ad Centrum A, & toto sextante per fulcri cochleas in eorundem planum disposito circumagit cochleam G H, in quamvis partem: sicq; ampliat aut coarctat angulû B A C donec intra pinnacidia B C utraque stella exactissime collineetur. Monstrabit enim tunc divisio arcus B D intercapedinem quæ quærebatur. Habuit verò circumferentia ejus ab initio non saltè divisionem vulgarem, sed & Nonniam. Verum cum ego ipsa experientia edocerer, aliam per puncta transversalia multò commodiorem & acuratiorem esse, posthabitis hisce, ea postmodum usus sum, & circumferentiam sextantis Orichalcicam feci, ut rubigini, prout Chalybs, non foret obnoxius:

EXPLICATIO FABRICAE ET VSVS.


ac distributionem in ea complevi meo more per dena puncta in singulis sextis Graduum. partibus transuersim deposita. Sicq; usuerat commodior. Quorsum autem Distantiae siderum in rebus Astronomicis pertineant; alibi tñm è nostris tñm a liorum authorm scriptis peratur. Utilitas enim earum quàm latissimè patet: & observationes dicti Cometae Capite secundo in supra nominato libro recensita, quæ hoc ipso sextante fiebant, exemplaralium suppeditant, quæ capite sequenti per Triangulorum Sphæricorum ratiocinia eò deducuntur, quò destinata sunt.

Hunc sextantem, cùm apud me anno 1590. vidisset Paulus Witichius insignis Mathematicus V ratislaviensis eum postmodum Illustrissimo Principi GULIELMO Habsiæ, & Landgravio laudatissimæ memoriæ Castellis aperuit, qui per suum artificiosum automatum tale mox Instrumentum confici curavit, alteratis, quibusdam, quorum vel satis meminerat Witichius, vel prout iis alias visum est. Nam loco cochleæ G catenam apposuerunt, per quam angulus Instrumenti ampliatur vel contrahitur. Divisionis formam eandem retinuerunt quam apud me didicit Witichius. Hanc structuram postea etiam alii imitati sunt; & quidam inventionem sibi ipsis arrogarunt, & in plerisq; alijs ex meis evenit. Egregia verò est huius Instrumenti comprobatio, quod distantia per illud Castellis facta, omnino in ipso minuto, ejusq; semisse conveniant cum iis, quas nos in Dania nostris

sexantibus peregrimus: veluti ex Epistolarum Astronomicarum è nostris Tomo primo liquet.



**ALIVD INSTRVMENTVM
SIMILE PRIORI, PRO
distantiis.**



EXPLICATIO FABRICAE ET VSVS.



PARATAM vero jam antea, cum in adolescentia Augusta Vindelicorum in superiore Germania aliquandiu morarer, simile quoddam Instrumentum ex lignea tamen materia solummodo constans, & fulcro destitutum, cum levitate sua alias utcumq; tractabile esset. Id vero inde discedens, amplissimae ejus Reip. Consuli Paulo Hainzelio optimae memoriae horum studiorum amantissimo dono reliqui. Cumq; reverso mihi in Patriam nova illa & supra modum admiranda stella Coelitus mox illuxisset, pro ejus Distantiis à vicinis Cassiopeae stellis subtiliter denotandis aliud ejuscemodi mihi confieri curavi. Cujus hinc Ideam habes. Arcus ejus, in quo divisiones sunt, intelligitur per B C. Estq; hic duodecimae saltém partis unius Circuli, sive Graduum 30. eò quod pro minoribus Distantiis, quales haec erant, de quibus diximus, sic sufficeret; nec sua longitudine gravis aut molestus foret. Possunt nihilominus alii etiam Arcus eidem applicari, sive ampliores sive breviores, prout lubuerit. Regula A B & A C juxta A Centrum conjunctae, & ibi adinvicem convolubiles, ipsamq; circumferentiam, juxta B & C continentes, longitudinem habent 4. cubitorum; latitudinem trium digitorum & rarsitudinem duorum. Sunt enim quadrilaterae; constantes ex ligno apprimè sicco arboris Juglandum; quod mutationi ex aëris qualitate quam minimum praeter ceteris est obnoxium. Ubi verò Regulae circa A Centrum copulantur, Metallico clavo, foramine etiam & tota contextura laminulis aënis confirmantur. Arcus ipse solidè est metallicus; non tamen nimis crassus aut latus, ne pondere noceat; dum sic cavetur, alterationis, cui lignea materia subjacet, obstaculum. Pinnacidia apud B C etiam sunt Orichalcica, & ita adaptata, ut interius eorum latus interiori quoque Regularum superficiei praecisè correspondeat: & ab altera parte inferiori cochlea est, quae pinnacidium mobile perfecta observatione firmatur, donec numeratio in limbo facta sit. Quin & alia quaedam oblonga cochlea juxta D E, extat, cujus beneficio angulus Instrumenti B A C contrahitur & relaxatur, prout exigit intercapedo dimetienda. Et licet haec cochlea in directum eat, potest nihilominus circulari ductui, qui fit circa D E supra centrum A sufficere: cum ab altera parte, ubi matrices habet, in clavicularis rotundis convolubiles exhibeat; prout in antecedenti etiam insinuavimus. Quin & intra hanc cochleam versus Centrum oculo adhuc propior est circumferentia quaedam GLH, priori Regulae juxta G affixa, & altera apud L transiens, cujus officium est, ambas Regulas in suo plano cohibere, ne ob longitudinem non nihil distrahantur. Potest etiam in eodè arcu à posteriore parte firmari angulus instrumenti. Distat verò is à centro quasi pro tertiaparte longitudinis Regularum, ut commodè isthuc applicata altera manu regiqueat in eo motus Regularum atque stabiliri. Habet insuper duo manubria ab altera parte, quae hic repraesentari non poterant. Pedestale illi nullum jam tum construxeram; sed cum non nimis grave esset Instrumentum, supra fulcrum aliquod transversum firmiter infra positum, poterat in quavis stellarum plana haud admodum difficulter verti & contineri; donec observatio perfecta foret.

Uusus ejus est quemadmodum in priori, applicato oculo ad I circumacto manubrio F, unaq; circumducta cochlea D E contrahatur vel dilatetur Angulus Instrumenti B A C, donec ambo sidera, quorum remotiones quaerimus intra pinnacidia B & C amussim & centraliter cernantur. Tunc enim Arcus pinnacidii & Regulis ibidem interceptus, observatorem voti compotem reddit. At quoniam centrum visus centro Instrumenti respectu cujus Divisiones procedunt, applicari non potest, prohibente solida parte, quae est ab A in I; idcirco necessarium est, Distantias, oculo Excentricè constituto demensas & in Arcu numeratas justo majores esse iis quae ipsi Coelo competunt.

Quare ut huic incommoditati subveniretur, Tabellam quandam construxeram, eandemq; ab altera Instrumenti parte denotaram, ut semper in promptu esset, quae Parallaxes Instrumenti suppeditavit, quantum nimirum juxta singulos observationis factae Gradus subtrahendum esset, ut vera & ipsi Coelo consona proveniret intercapedo, atque prorsus eadem, quae ex Centro Instrumenti prodiret si centrum visus eidem uniretur. Qua verò ratione haec Tabula juxta Triangulorum planorum inductiones concinnata sit, demonstratur à nobis in Progymnasmatibus Instaurationis Astronomicae volumine nostro primo pag. 342. in capite ejusdem quarto; quod alias à pag. 335. usque in 343. luculentam hujus Instrumenti descriptionem exhibet. Ad quod lectorem de hoc plura cognoscendi cupidum remitto.

EXPLICATIO FABRICAE ET VSVS.

remitto. Inveniet etiam ibidem paulò post Distantias Novæ stellæ à vicinioribus Cassiopeæ & quibusdam aliis, cum quoq; fixarum inter se exactissimè eodem Instrumento mensuratas atque in usum deductas. Nullum enim aliud huic officio accomodum tunc ad manus habebam: utpotè nuper è peregrinatione Germanica domum reversus, & Pyronomicis potius exercitiis quàm Astronomicis tunc occupatus.


Licet verò hoc Instrumentum non adeò Excellens sit, atque ea, quæ postmodum successivis aliquot annis excogitavi, & magno labore atque sumptu confieri feci, ideoq; postea à me antiquatum: tamen illud qualecunque sit, cum & usui non incommodum existat, hinc unà cum cæteris delineandum exponendumq; duxi, quò & eorum rationem haberem, quibus operosa illa & sumptuosa adeò Instrumenta, construendi non suppetit facultas.

Illi atque hoc contenti rectius & præcisius, quàm ante hæc per Radium Astronomicum factum est, stellarum scrutabuntur intercapedines: modo Parallaxin de qua dixi, ritè & expedite præcaveant.



ECCO

INSTRVMENTVM EIVSDEM VT ALTITV DIBVS CAPIENDIS IN- seruiat dispositio.



EXPLICATIO FABRICAE ET VSVS.



INSTRUMENTUM hoc ipsum si praesertim sextantem circuli capiat, ejus circumferentia, Altitudinibus quoque Siderum rimandis non est inconueniens: modò disponatur, prout hæc apposita figuratio ostendit: quæ etiam ratione ego tunc temporis, cum nova illa stella anno 72. & sequenti conspiceretur, ejus Altitudinem minimam, cum in Meridiano infra Polum esset, scrutatus sum: Maximam enim quando vertici appropinquabat, demeiri eodem non licuit, siquidem in nostro Horizonte admiranda ea stella, cum supra Polum in Meridiano esset, non longè Zenith distitit: ideoq; intra sextam Circuli partem ejus Altitudo comprehendendi nequibat: quemadmodum supradicto libro & eodem indicato capite hæc & similia videre licet. Ratio autem, quæ observationem instituebam, ibidem quoque patefacta ejuscemodi erat: Sextans hic, quoad Regulam A B inferiorem in altâ quâdam fenestrâ dispon ebat supra murum R, ita ut præcisè Meridiano Cœlesti corresponderet, qui observationi adaptaretur. Eratq; fulcrum quoddam literis V X indicatum huic suppositum; idq; à parte posteriori versus Centrum juxta T, ejus sublimitatis ut ipsa Regula A B exactè cum Horizontis æquilibrio conveniret: Idq; hoc modo explorabam: Arcum Instrumenti K N cum suis regulis ad meridiani planum dirigebam, & in fine ubi 60. Gradus desinunt, juxta N appendebam perpendiculum per NS signacum, ac regulam fundamentalem A B per cuneos quosdam intra T & V X, positos, prout opus erat, attollebam vel deprimebam; unaq; sic universum Instrumentum, donec filum Orichalcicum NOS cui plumbum juxta S annectitur, præcisè punctum medium inter Sextantis Centrum ad A, & peripheriam divisionis ad O contingeret. Liqueat enim inde, quod Organi regula sive basis A B exactè Horizonti æquidistaret: Cum ex Elementis Geometriæ sextans Circuli à Centro cõstituat Triangulum isosceles (prout in libro quarto Euclidis Propositione 13. demonstratum est) per punctationem R N A, & lineam regulæ R A. Cumq; recta descendens ab N, quæ Zenith respicit, R A basin, bifariam secet, necessariò id ad angulos Rectos fieri, consequitur, uti apparet ex propositione 12 libri 1. atque proximè antecedentibus. Quo circa perpendiculum N S versus Zenith semper directum sit, illiq; N O uniat, omninò eidem perpendiculari. Regula R A Orthogonalis sic oportet: ideoq; & in Horizontis æquilibrio, à quo vertex undiq; Circuli quadrante distat, qui rectum angulum efficit. Omnibus itaq; sic quantâ fieri potuit accuratatione elaboratis & ordinatis, donec nova stella Meridianum in suo decliviore situ motu universi contingeret, attendi, tuncq; per aliud pinnacidium collimavi priori juxta C Regulæ analogum, non longè à Centro propè R appositum, quod sicubi necessitas postularet, removeri poterat. In priori enim parte ejus, rimula quædam confecta erat, unâ cum prioris pinnacidii latere etiam superiore, respectu inferioris & Centri Parallela, per quam inter observandum motâ longâ coheleâ O E, angulus Instrumenti variabatur, donec novam stellam in superiore limbo pinnacidii ad C præcisè collinearem, dimidia ejus parte visâ, alterâ latente, quantum ullo acumine discernere licuit. Rimulas enim priori pinnacidio utriq; parallelas tunc temporis nondum adinveram, quarum beneficio centrum stellæ exactissimè notatur. In hunc itaq; modum per Arcum utriq; pinnacidio B C interceptû minimam stellæ Altitudinem supra Horizontem deprehendi, qualem in antedicti libri loco citato referavi. Cum verò facilè Regula B A adeoq; totus sextans ab Horizontis æquilibrio inter observandum dimoveri posset, si fulcra, quibus innitebatur Instrumentum nõ nihil in hanc vel illam partem per subactos cuneos cederent: ideo juxta lineolam ad O in inferioris Regulæ medicullio sitam, quàm Instrumenti perpendiculum rectè se habens suo contactu pulsare debuit, utrinq; divisiones quædam erant adaptatæ in parvo quodam Arcu P Q circa centrum N descripto, sic ut pro quantitate Gradus unius in tali circuli diametro minuta ab utraq; parte distribuerentur, in anteriori OP subtrahenda; in posteriore verè O Q addenda, prout perpendiculum hinc vel inde aliquam ab æquilibrio inclinationem monstrabat: Eoq; pacto Altitudinem per Arcum B C inventam observatione peracta, & perpendiculo iterum inspecto probavi, ac (sicubi id necessum videbatur) accuratius limitavi. Licet verò exquisitè res ageretur, si per binas rimulas parallelas oculo admotas juxta anteriùs pinnacidium fieret collineatio: tamen & sic agendo, uti nunc diximus, id quod quaerebatur, satis præcisè provenit; præsertim, ubi sæpius in eadem stella potest fieri experimentatio; quemadmodum in nova illa, quæ perpetuò, quoad duravit eandem reperit in Meridiano altitudinem intensibiliter mutatam. Ea verò quæ de hac exempli loco, hic dicta sunt, pariter de aliorum siderum altitudinibus dimetiendis, ac sextam Circuli partem non exceden-

EXPLICATIO FABRICAE ET VSVS.

tibus intelligenda veniunt: idq; non saltém, cùm in meridiano sunt, sed etiam in quovis alio Circulo verticali; in ejusdem nimirum planum directo Instrumenti plano; & omnibus aliàs sic ordinatis, prout antea indicatum est.


U s u s hujus Instrumenti etiam in Altitudinibus dignoscendis ex antè dictis sic patet: quamvis (ut dicam id quod res est) per Quadrantes eos, potissimum majores, quorum jam antea mentionem feci, id ipsum minori negotio & adhuc præcisus exequi liceat. Verùm cùm talia organa, quæ admodum sumptuosa sunt, ad manus quis non habeat, hoc, de quo nunc egimus, aut simili quoquam uti licebit; Quemadmodum & prius de distantiiis ejusdem beneficio capiendis admonuimus. Cavendum autem solerti scrutatori ab iis Instrumentis, eorumq; dispositione; quæ facile vacillant, aut quovis modo vitio contrahendo obnoxia sunt. Nam res versatur circa minima, ex quibus maxima concluduntur: né operam & oleum (quod dici solet) perdamus. Quod pèlrisq; è recentioribus astronomis accidit. Utinam non idem de antiquissimis illis, quoad præcisam subtilitatem, suspicari liceret. Darecur sanè exquisitor ratio Astronomiam omnibus sæculis ad amussim respondentem constituendi. In quo tamen quantum ferent antecesso-

rum observata & placita, volente supremo Numine
& elaboravimus & elaborabimus, ut men-
dis omnia purgata in integrum
restituatur.





QVADRANS MAXIMVS QVA-
LEM OLIM PROPE AUGUSTAM VINDE-
licorum exstruximus.



EXPLICATIO FABRICAE ET VSVS.



QUADRANTIS illiusingentis, quem ante annos 26. in horto Domini Pauli Hainzelli apud prædium ejus semisse milliari Augustæ Vindelicorum distante confecti fecimus, lubet etiam hîc, tam Ideam, quàm explicationem adjungere, ut utrius amplius non exstet; sed elapso ab ejus structurâ quinquennio desolatus sit: Nihilominus, si cui lubuerit similem construere, ut quod imitetur, habeat, si hanc instructionem addidero, me operæ pretium facturum arbitror. Repræsentatur hic Quadrans per ACP unâ cum suis intertextis contignationibus. Eratq; totus è quercino robore multo annis exsiccato elaboratus. Et latera atque contignationes instar trabium magnarum fuere, Habebatq; in radio sive à Centro ad circumferentiâ ad minimum 14. cubitos. In limbo vero sive circumferentiâ, ubi Divisiones erant, Orichalcicis laminis obducebatur. Contignationes intertextæ ex transversariis trabibus compactæ & levigatæ in eum usum disponebantur, ut totum Quadrantem firmius continerent, atque in suâ justâ quantitate & plano combinarent. Divisio autem ipsius circumferentiæ erat solummodò secundum usitatam formam. Neq; enim tunc aliam & commodiorem adinveniam quâ postea in aliis Instrumentis usus sum. Poterant nihilò secius singuli Gradus non solum in singulâ minutâ sic distribui, sed & quodlibet minutum in sex particulas: ita ut dena etiam secunda discretè superpedicaret. Pinnacidia erant in altero Quadrantis latere DE apud quod observator consisteret, juxta D, quorum illud, oculo proximum habuit in meducillio foramen parvum, per quod stellæ in superiori juxta lineam Diametralem apud E collinabantur. Si verò Sol observandus foret, adhibebatur aliud pinnacidium perforatum in anteriori loco juxta E, quod per rotundum foramen admittebat Solis lumen intra circulum ipsius quantitati analogum ab interiori pinnacidii inferioris parte, adhibito præsertim canali quodam oblongo, ut lumen Solis eo minus in aëre dissiparetur, atque exactius intra limites ejusdem Circuli discerneret. Porro juxta centrum ejus A filum appendebatur Orichalcicum tenue, quod plumbum apud H foramen aliquot librarum sustinere potuit; ne filum vento facile dimoveretur. Monstrabat enim ipsum filum juxta contractum Divisionum altitudinem quæsitam quàm exactissime.

Inhærebat vero hæc Quadrantis machina columnæ quercinæ crassæ & robustæ circa suum Centrum apud A in tereti ferro forti, posterius apud G firmato: sustentantibus etiam ipsum limbum duobus capræolis paulò supra foramen, ubi est plumbum perpendiculi, adaptatis, Et id hunc quoque in usum, ut totum Quadrantem, quando attolleretur, vel deprimeretur, prout exigeret observatio, ad columnam ipsam arcuè constringeret & cohiberet, ne suo pondere recideret, antequam observationis numeratio peracta foret. Ipsa verò columna inferiore sui parte in quadam subterraneâ structurâ XYSPK, firmabatur atque convolvebatur, ita ut infima sui parte acuminata, & Chalybea juxta K in foramine substrato ejusdem formæ, facillimè circumduceretur, rotundo superius foramine conoidali apud ipsum circum quaq; continente, ne hinc inde vacillaret, sed ubiq; tam ipsa columna, quàm Quadrans illi inhærens circumageretur in omnia verticalium plana. Circumductio autem de qua loquor, fiebat per manubria QOIN & ipse Quadrans suo pondere immotus stabat in quocunque plano opus erat. Id verò totum, infra manubria cernitur, Crypticum erat, & firmiter compaginatam, atque lapidibus, tam infra quàm undiquaq; sulcitur: quò totam machinam superius extantem eò firmius sustineret, atque ne hinc inde distraheretur, firmaret. Consistebat enim ipsa machina sub diò: Ideoq; ventis & injuriæ aëris exposita erat. Tegebatur nihilominus præsertim in sua circumferentiâ, ne limbus Divisionum quidpiam caperet detrimenti.

U s u s ejus solummodò in Altitudinibus tam Solis quàm reliquorum Planetarum accuratissimè dimetiendis fuit: ita ut intra sextam minuti partem denotari posset; modò collimator diligentiam requisitam adhiberet. Ad quam præcisionem vix antecessores nostri unquam pervenerunt; licet eandem minoribus etiam organis, sed alio compendio fabricatis postea affecturi fuerimus. Cùm verò Altitudo capienda foret, adhibebat Observator oculum juxta pinnacidium ad D, & in altero anteriori Sidus rimabatur, attollendo vel deprimendo totum Quadrantem donec id præstari posset. Si verò decliviores forent altitudines, scalis opus erat, per quas observator ascenderet; moxq; relicta immota machina

Altitudo

EXPLICATIO FABRICAE ET VSVS.


Altitudo quaesita juxta filum perpendiculari in circumferentiâ monstrabatur. Atq; hæc quo ad fabricam & usum Instrumenti sufficient.

Si quis pleniora per circumstantias requirit, inveniet ea in Progymnasmatum nostrorum Tomo primo à pagina 353. usque in 359. Nam Altitudines novæ stellæ, tum etiam quarundam aliarum per eandem machinam à præmemorato Domino Paulo Hainzelio Consule in mei gratiam denotatæ, & postea mihi communicatæ, subsequentibus pagellis ibidem referuntur. Ex quibus earum præcisio intelligenti constare potest, quæ etiam cum iis, quæ postmodum in Dania aliis Organis demensus sum apprimè conveniebant. Et optandum, ut hæc eximia machina diutius isthic conservata fuisset, atque usui adhibita; vel certe alia in ejus locum constructa. Sed cum homines plurimum terrestribus rebus potius attendant, quàm Cœlestibus, talia negligere solent, majore forè dispendio, quàm ipsi mes facile animadvertunt.



D D D D A C C C

QVADRANS MAXIMVS CHALI
BEUS QUADRATO INCLUSUS, ET
HORIZONTIAZIMUTHALI chalybeo
insistens.



EXPLI-

EXPLICATIO FABRICAE ET VSVS.



UNc quidem Quadrantem superius inter Instrumenta delineata numero 7. explicuimus, aliâ tamen ratione dispositum; ita ut intra cryptam muralem in axe quodam forti Chalybeo Zenith & Nadir respiciente convolueretur, & simul intra muri cryptici circumferentiam, Armillam firmam haberet Azimuthalem, quemadmodum isthic cum aliis requisitis, huc pertinentibus, sufficienter & depictum & explicatum est. Verum cum ibidem pollicitus

sim, me suo loco alteram ejus dispositionem, quâ ab initio usus fueram, ostensurum, en eam hic habes: quæ brevibus sic explanabitur: A B C D ipse Quadrans, A Centro descriptus, & Quadrato A E F G comprehensus. Ejus Regula A C I, inferius extenditur, ad manubrium H, prope quod est pinnacidium, rimulas habens superiori ad C Parallelas. Elongatur vero à C in I superiore parte, ut Quadratum ubiq; contingere possit: cui superius fila quædam Orichalcica juxta I sustentaculi loco addita iunt, quod index in lineâ recta ubiq; permaneat. Quæ à posteriore parte visuntur A L M N O ferreum fulcrum indicant, Quadrantem totum in plano Horizontali substrato Orthogonaliter sustinens. Nam juxta A Horizonti Azimuthali instar tenaculi habentis infra se cochleolam plumatam, associatur, ut in eo per manubrium quod à posteriore parte est, in ipso Azimuthali circulo quacunque lubuerit, circumduci queat. Ipse vero Azimuthalis Circulus, de quo loquor, per literas P Q R S representatur. Per X verò indicantur quinque columnæ fortes totam machinam gestantes, apud quarum capitella juxta Y Z sunt cochleæ quædam, perennes dictæ, cum suis etiam manubriis volubilibus, Circulum Azimuthalem, in æquilibrium Horizontis disponentes, & totum Quadrantem in verticale planum dirigentes, prout exigunt perpendicularia apud V & W signata. Cætera constant ex indicatione facta superius citato loco. Ubi hic idem Quadrans aliter & aliquantò commodius ordinabatur. Non igitur lubuit plura de hoc explanationis loco repetere, nè fastidiosè eadem, quæ prius dicta, recoqueremus. Ut verò spatium subjectum nihilominus, veluti antea, completeretur; Hexametrum Carmen additum est, quod Nobilis & Doctus Adolescens FRANCISCUS GANSNEB TENGNÄGEL, qui aliquandiu mihi fuit domesticus, meaq; è Dania migrationis comes, quò hic subjungeretur, ex tempore concinnavit.



EDITE vos humiles Artes, curaq; supina
 Cedite; Nam Mus tantum supra extulit omnes
 Uranie Divina caput, Cælestia quantum
 Exuperant Terras, quantum lux alma tenebras
 Vincit: Et os homini DEVS ipse, ut Sidera spectet,
 Tam sublime dedit, quò sursum lumina tollat,
 Aethera suspiciat, norma vaga Sidera subdet.
 Felices igitur, quibus hæc sunt Entheæ cura,
 Dum quarunt & opes alii, & sectantur honores,
 Delicias luxumq; petunt & ludicra quævis
 Tractantes, vitam stupidè pecorum instar niertum
 Traducunt viles. Ab quò ignorantia cæca
 Precipites agit hos, quibus haut sunt ardua cordi?
 Tu cui mens generosa super ni seminis igne
 Ardet, in Aethereos alacris conscende recessus.
 Huc age Timochares, Ptolemæe, Copernice, quamvis
 Confisi nimium, fallacibus Instrumentis.
 Illicet an turrim liceat conscendere parvis
 Pracelsam gradibus, Cælosve apprehendere conto?

Ut dextrè Astriferi pateant penetralia Mundi?
Qua nisi vos olim frustra set cura, daretur
Sidera nunc Numeris melius subducere vestris.
Tu verò, cui mens Divis contermina, ades dum
TYCHO, Danorum celeberrima gloria gentis:
Talia te placuit Superis obstacula videre
Viribus humanis cedentia; ferq; labori
Subsidium Herculeo, quem non benè pertulit Atlas.
Organa da facilis, qua maxima & optima nōsti
Condere, quaq; liber tuus hic communicat Orbi:
Annis ter septem, quibus Astramicantia toto
Lustrasti assidue fixa atq; vagantia Cælo.
Singula qua facili gyro, licet in via quondam,
Duxisti in normam, totus cui obtemperat Aether.
O Danicelebres! ô terq; quaterq; beati,
Hunc genuisse virum tantum quibus Astra dedere?
Major at hinc vobis (fieri quis posse putasset?)
Gloria nunc surgit, quòd, quem retinere licebat,
Vestrum Teuthonia non invidistis alumnum.
Forsit an hoc summus voluit Deus ille Deorum,
Quò decus Vrania Terras penetraret in omnes,
O FRIDERICE pater Patria, memorabile cuius
Nomen in Orbe viget, tua non laus infima, quod tu
TYCHONEM excipiens, fovisti sponte laborem,
Egregium, qui animos ingentes cordaq; tanget,
Cultoresq; sui celebres aquabit Olympo.
Quòd verò Patrias nunc TYCHO reliqueris oras,
Celfo animo perfer, velut ifacis: Undiq; tellus
Magnanimo natale solum. Salve incola Mundi;
Sat Borea Danisq; datum. Maeste in clyte TYCHO,
Hoc magè perge tuas laudes diffundere in Orbem.
Perge opus aeternum cupidis pertexere, perge
Ingenii eximio producere pignora fructu.
Sicq; tuum ubertius nomen ventura loquentur
Secula, dum auricomus numerabit Cynthius Annos,
Dum vaga per menses mutabit cornua Luna,
Cunctaq; dum toto fulgebunt Sidera Cælo.

Fidei & observantia testanda causa.

FRANCISCVS GANSNEB TENGNAGEL F.



De

ALIIS QVIBVSDAM INSTRV- MENTIS NOSTRIS, QVÆ NONDVM EX- SCULPTA SUNT, BREVIS IN- DICATIO.



HACTENUS Instrumenta nostra Astronomica, quorquor delineata & exculpta erant, exhibuimus, & explicavimus, quantum in præsentiarum licuit. Sunt verò mihi adhuc quædam alia in promptu, quæ quoniam depicta & excisa necdum sunt, hinc omittere necessum fuit. Dabo tamen operam, ut, quàm primùm fieri queat, & ea prioribus adjungantur, totaq; hæc Mæchanica tractatio plenius augeatur, adjunctis quibusdam subsidiis & tabulis hinc conducentibus; Interim nihilominus quædam ex residuis hic breviter attingam.

SEXTANS BIFURCATUS.

SEXTANTEM quendam, quod à Centro hinc inde Regulas habeat, quæ coarctari & dilatari possint, decussatim se transeuntes, bifurcatum ob id appellatum etjam construximus, qui Chalibeum habet arcum, Sextantem Circuli comprehendentem. Longitudo autem Regularum est 4. cubitorum. Pinnacidia etjam habet Orichalcica diversimodè extra Centrum prope Regularum extremitates hinc inde disposita. Regulæ verò ipsæ sunt ex ligno Brasílico, quoniam id compactum est & durable. Divisiones habet in Arcu more nobis consueto factas. Distantias Siderum hoc Sextante per duos Observatores, quorum quilibet, suæ Regulæ respicit pinnacidia, satis præcisè rimari licet: nisi quod aliquantò majore negotio quàm in cæteris sextantibus id, nec adeò citò perficiatur. Est tamen ex quo facile portatilis sit, usibus subinde conveniens.

SEMICIRCULUS AMPLUS PRO MAJORIBUS DISTANTIIS COELITUS DENOTANDIS,

QUONIAM per sextantes à nobis exogitatos & paratos non nisi ex distantia Siderum observari poterint, quæ sexta Cœli parte comprehenduntur, ac interdum usui veniat, quod his majores cœlitis rimandæ sint, adeò ut nonnunquam, quarta Cœli parte ampliores, observationis commoditate & usu id postulante designandæ sint (quod ut plurimum in Solis & Lunæ distantis majoribus, quando circa utranq; quadraturam vel ultra, interdum simul visuntur: tum quoq; ob alias occasiones locum meretur) Idcirco Semicirculare quoddam Instrumentum confieri fecimus undiquaque transversis contignationibus firmatum, ac laminis Orichalcicis tam in circumferentiâ quàm diametrali Regula firmiter obductum: cujus beneficio siderum intercapedines, quantæcunque tandem sint, usque ad hæmisphærii completionem eo exactè dimensuri liceat. Habet hic Semicirculus in Diametro suo 6. cubitos: & circa medietatem totius fabricæ, ubi quasi undiquaque sibi ipsi æquiponderat, est foramen Quadratum, in quo fulcro

fulcro quidam forti præsertim Globoso inter observandum imponitur, & in plana stellarum per duos Observatores dirigitur, ejusq; usus non aliter quàm in Sextantibus instituitur. Quare de hoc plura non opus erit addere; sed consulantur Sextantis pro distantis capiendis expositiones, si quis ulteriora desiderat.

RADIUS ASTRONOMICUS.

RADII quoque Astronomici usum præsertim inter peregrinandum, quandoquidem facile portatilis est, minimaq; includitur thecâ, non omnino aversamur, ut is exactissimas, planeque indubias non præbeat Siderum distantias. Talis mihi ad manus est, à me ipso quidem non constructus, sed à præstantissimi illius Mathematici Gemmæ Frisii, Lovanii in Belgio olim habitantis (qui de hoc libellum edidit) Nepote Gualtero Arscenio concinnatus. Torus constat Orichalcicis laminulis affabrè compositis licet interiùs ligneus sit, & pinnacidia atque divisiones habet, prout ab eodem Gemma in dicto libro traditur. Hujus longior Regula, seu ipse Radius, habet paulò plus quàm tres cubitos: In crassitie verò quadrilaterâ ubique quasi pollicis majusculi latitudinem. Transversarium est quasi dimidia pars ipsius Radii tam quoad longitudinem quàm latitudinem. Confieri insuper, & ego per meos Artifices curavi alium adhuc Radius, totaliter etjam Orichalcicum; sed interiùs vacuum, nulloq; ligno farcitur. Habet enim lignum hanc naturam, ut nisi peculiari modo ei subveniatur, laminulas Orichalcicas, quibus superinducitur, eò vergere cogat, quò sua instabilitate, & aëris mutatione trahitur. Is verò Radius, quem nos postea confecimus, non quadrilaterus, sed trilaterus est, quod sic levior foret, atque hæc tres superficies omnibus divisionibus in eo denotandis sufficerent. Effeci autem in eo divisiones æquales per puncta transversalia nobis usitata. quò sic Canonem Sinuum quinque zipharam adæquaret; subtiliusq; omnia exqueretur quàm ante dictus Gemmæ Radius: divisione etiam inæquali, aliter ordinata, si quidem hæc apud ipsum vitiosa sit. Longitudo & Latitudo, totaq; proportio fermè cum priore par: habetq; similia pinnacidia. Verùm ut dicam id quod res est, Radius quomodocunque paratus, ipsissimas (uti antea quoque inuimus) non suppeditat stellarum remotiones, né quidem arctiores illas intra Gradus 15, nedum ampliores, in quibus adhuc plus fallit: Cujus rei rationes alibi exponere non erit difficile; Hic brevitati studemus. Excogitavi nihilominus ipsemet medium quoddam, quo totaliter Radii difficultatibus & hallucinationibus subveniatur, adhibitis etjam in eò pinnacidiiis rimas habentibus, & Cylindro, circa quem per binos Observatores distantias rimari liceat, non minùs quam in sextantibus. De quo alias plura, ubi paratus fuerit, (Est enim nunc sub fabricâ) D.V. dicturi sumus.

ANNULLUS ASTRONOMICUS.


ANNULUM insuper Astronomicum, Instrumentum ob habilitatem, à multis aliis tam veteribus quàm novitiis usurpatum, etjam in promptu habemus, ab eodem Gemmæ Nepote ante aliquot annos confectum; ad imitationem ejus descriptionis, quam idem Gemma succincto libello exposuit. Estq; hic Annulus totus Orichalcicus & affabrè compositus. Habetq; in Diametro quasi cubitum unum. Huic nos aliam inventionem interiùs addidimus, oblongos videlicet & teretes Cylindros sese decussatim & Orthogonaliter transeuntes, interiorisq; Armillæ superficiem stringentes, & ibidem quadrato fulcimine coaptatos, tum quoque pinnacidiiis, & quibusdam aliis mediis illi ita à nobis provisum est, ut non solum quæ Gemma & alii de usu hujus annuli tradiderunt, longè commodius præstet, sed prætereâ quædam alia suppeditet. Poterit enim sic non solum Declinatio Siderum aptius capi quàm antea: sed & ipsarum differentiarum adscensionales adeoq; ipsæ adscensionis rectæ Coelitus denotari: ut nihil dicam de longitudinibus & latitudinibus stellarum, quæ etjam peculiari quadam ratione adhibita obtineri possunt; & plura de quibus, ubi Instrumentum efformatum & excisum fuerit, uberiùs volente Numine agemus.

Verùm

Verum sic hoc quicquid velit, talibus parvis & ludicris Instrumentis Cœlestes apparentias satis præcisè scrutari non datur; eò quod suâ parvitate Gradus minutis scrupulose subdividendis capaces non admittant. Et si tantæ fiant magnitudinis, ut hoc suppeditent; sua quantitate & mole intractabilia redduntur; seq; ipsa in super ita aggravant, ut Usui circa aliquem errorem non sint accommoda. Est etiam nobis alius quidam annulus minor Orichalcicus in Diametro spitami contractioris longitudinem saltém continens. Sed hic mihi adhuc minùs probatur.


Usus præcipuus talium Annulorum est, ut horæ nocturnæ & diurnæ per eos discernantur, licet id non ea facilitate & præcisione præstent, qua pollicentur. Sunt tamen aliquo modo ad hoc idonei quando alia & certiora media defuerint, præsertim cum habilitate sua commodè sint portatiles. Reliquæ utilitates, quas Gemma & alij conglomeraverunt minùs principales, nec admodum certos qui scire avert, in eorum quærant libellis.

ARMILLA PORTATILIS.

 **U**IN & Armilla quædam sola à nobis effecta est interius tamen convenientibus fulcris stabilita, quæ facillè exportari posset, atque pedestalibus lapideis cum suis adaptatis cochleis sub dio constitui, sicq; in omnem Cœli partem minimo negotio appositè convolvi; quarum beneficio solæ Declinationes Siderum capiuntur, licet non adeò subtiliter, atque majoribus illis, de quibus in antecedentibus dictum est: Attamen cum hæc Armilla ferè 3. cubitos in Diametro habeat, & circumferentia eius undiquaque Orichalco obducta sit; ita ut omnium Graduum singula minuta per puncta transversalia exprimat; non inutiliter Declinationibus capiendis inseruit, eaq; potissimum usus sum quando Horizonti Sidera appropinquant; Cum majoribus illis ob cryptatum, si quæ ingerantur, impedimenta hoc non ita commodè exequi fortè liceat: tum etiam aliis de causis, quibus aliquando major datur in his, quam in amplioribus illis commoditas circa quædam peculiaria loca negotium hoc exequendi: tum quoque ut varietate Instrumentorum idem quod expeditur comprobetur.

Adaptare etiam huic Armillæ licet ubi lubuerit suum semicircularem Æquatorem, & Axem teretem Cylindricum; sicque pluribus usibus, nempe ad ascensionibus rectis, & temporum momentis per eam capiendis accommodare. Quod & nos aliquando factitate consuevimus.

ASTROLABIUM.

 **A**STROLABIUM Instrumentum à veteribus, præsertim plurimum Astrologis usurpatum & ab Arabibus (uti existimo) primùm solerti inagine adinventum, quod Sphæræ Cœlestis circulos atque usum in plano comprimens digerit, nullum quidem justæ magnitudinis hætenus confieri voluimus: eò quod Usus hujus in Siderum observationibus minus sit accommodus; nec iis sufficiens & certus. Parvum tamen ære meo emptum obtineo, ex Orichaleo solidè & affabrè elaboratum, quod spitami majoris solummodò longitudinem in Diametro adæquat. Estq; ad veterem illam rationem cum suis matricibus compositum, quam Johannes Stöfflerus, & alii secuti, aculenter tradiderunt. Ubi fabricam & usum, qui volent, petant.

Verum ante aliquot annos Norimbergæ laminas Orichalcicas rotundas diligenter confeci curavi, quæ plus duobus cubitis in Diametro habent, & crassitudinem huic competentem; in quibus Astrolabium Catholicum sive Universale subtiliter elaborare constitui quod absque matricibus saltém duabus faciebus omnia suppeditet, quæ de tota Doctrina Primi mobilis traditi possunt, quæque alias in Globoso corpore quod hoc Instrumentum in plano repræsentat, commode præstari. Ideoque etiam retè peculiare illi addere lubet, & id præcipuis stellis fixis insignire, longaq; adhuc pluribus, quam antiquis in usuerant. Quod fortè Astrolabium inventionem illam de Roys, & alteram adhuc plausibiliorem Gemmæ Frisii postmodum factitaram sua quadam commoditate

moderate & subtili ratione exuperabit, atque adhuc universalis existet. Sed nobis hæcenus ob aliorum Instrumentorum confectionem, & negotiorum molem multifariam, oportunitas non data est, tale Astrolabium concinnandi. Quod etiam eo libentius infectum reliquimus; siquidem usus ejus Siderum motus, & loca non propriè & præcisè exploret, sed jam aliud nota esse præsupponat; tum quoque quod stellas fixas, quibus insigniri debuit, non omnimodè antea secundum propriam restitutionem explorata habuerimus: quæ cum nunc beneficio Divino nobis exactè constent, non difficile erit, adepto aliquo otio ejusmodi Astrolabium construere: præsertim cum lamina Orichalcicæ in eos usus olim, uti dixi, comparata penes me adhuc aliqua ex parte conservetur.

De
**ALIIS QVIBVSDAM INSTRV-
 MENTIS ASTRONOMICIS; MIRO COMPEN-
 DIO MULTA EXPEDIENTIBUS, QUÆ NUPER EX-
 COGITAVI ET SUO TEMPORE FAVENTE NUMINE
 elaborare constitui.**



QUÆ jam antea recensuimus Instrumenta, tam multifariam depicta & explicata, quam postmodum brevibus indicata omnia jam antea parata in promptu habemus. Et licet ea sua varietate & copia omnimodis Cœlestium corporum observationibus satis sufficiant: tamen cum tacitè præviderem mihi è Dania Patria mea dulcissima migrandi necessitatem incumbere; nè hæc studia tot annis, tantoque molimine, maximoque impendio usque in tertium septenarium, qui Climactericus esse solet, & mutationibus obnoxius, illaudabiliter desererem, cœpi mecum recolere, an non alia quædam Organa Astronomica excogitare liceret, quæ paucioribus requisitis omnia ea commodè & certo exhiberent, quæ reliqua isthic exstructa; quæ etiam facilitate in aliis quævis loca ea transvehendi non destituerentur, si fortè illa quæ isthic possiderem, non satis citò, & absque incommodo ad me transferri curare liceret. Quapropter Divino favore aliquot ejuscemodi nuper adinvenisse certus sum, inter quæ Regulæ quædam sunt ternæ, quæ non solum Altitudinibus Siderum, ut Ptolomaicæ istæ, capiendis, sed & Distantiis eorundem rimandis sufficient: quæque aptè componi, & in quemcunque locum transportari poterunt. Quin & Armillare Instrumentum adinvenimus, sesquialtera solummodo Armilla constans, quod non solum Declinationes & Adscensiones rectas Siderum scrutabitur; sed & earum longitudes atque latitudes facillimè pandet, unaque Altitudinibus, & Azimuthis observandis, si in eos usus ritè disponatur sufficiet. Imò & distantias Siderum, si ita eo uti lubuerit, depromere non subterfugiet: sicque omnimodis usibus hoc unicum par erit, & disjungi atque componi, quando placuerit, non difficulter poterit; atque in alias oras suâ thecâ inclusum & munitum transferri. Incidit insuper & alia ratio quomodo idem Instrumentum compendiosissimum & utilissimum, per Regulas oblongas in quadrata & Triangulari forma compositas & connexas paucis mediis conformari queat, ita ut omnia, quæ de priori modo diximus, pariter largiatur: tum quoque quædam alia, si ita visum fuerit.

Habebit autem hoc præ antecedenti id prærogativæ, quod disjunctum & compositum arctiore spatio & directiori cistulæ, nimirum oblongæ inclusum, adhuc commodius in alia atque alia loca transportari queat; tum quoque in majori quam antecedens, tuto confieri forma. Demum & aliud quoddam imaginatus sum Organum, quod unico Circulo (fieri quis posse putaret) Siderum tam Declinationibus & Ascensionibus rectis, quam longitudes & latitudes, tum quoque distantias, Altitudinibus, & Azimuthis solenter perquirendis idoneum sit. Quod etiam in quadrata forma, licet non adeò commodè, construere licet. Quin & possint hæc ipsa in solo semisse Circuli aut etiam ejus tertia vel quarta

quarta parte quodammodò fieri, quamvis non tam succinctè & universaliter, sed modo quodam partiali, & interdum composito: Quæ tamen ritè expedita id ipsum, quod expectatur, satis præcisè & certò præstabunt.

De his autem & similibus quæ partim nuper necessitate, quæ Artes docet, sic urgente hætenus excogitavi, partim in posterum favente ejusdem Numinis benignitate adinventurus sum, vix publicè quidpiam promulgabo, ne tam rara inventa, omnibus patefacta (uti sic) vilescant: Sed Illustribus tantum & Principibus viris, qui talibus impensè afficiuntur (quorum etiam est, hæcè sublimibus Studiis excellentius quàm alios homines, im-
bui, eaq; liberaliter & laudabiliter excolere) Ubi de eorum Clementi voluntate mihi constiterit, isthæc, ita tamen ut in secretis habeant, referare atque explicare non detrectabo.



ADDD KCCG

GLOBVS MAGNVS ORI- CHALCICVS.



EXPLICATIO FABRICAE ET VSVS.



Globum insuper maximum, summâ diligentia, nec minori sumptu (uti & in cæteris omnibus) confecti curavimus: qui interioris ligneâ consistat materiâ, affabre emulcis Armillis & frustulis intertextis, isdemq; hinc inde a Centro fulcitis, composita, & postea in Globosam formam tornata. Quod Opus, quoad ligneam formam, Augustæ Vindelicorû anno 1570, antequam inde in Patriam discederem, idoneum isthic Artificem, aliâ frustra diu quaesitum nactus, parari curavi, Cumq; ob vastitatem, quæ ventioni difficultatem ingerebat, Augustæ in quintum annum, quo isthuc redi, hæssisset, Anno nimirum 1575, quâ

do Ratisbonam tempore Coronationis huius Augustissimi Imperatoris Rudolphi II, ex Italiâ rediens, ac Augustam transiens, accedebam, Globum illum quidem iam diu paratum isthic reperi, At rotunditate suâ undiquaq; non satis absolurum, & insuper rimis quibusdam hinc inde infectum. Curavi nihilominus eum anno sequenti in Daniam non sine difficultate mihi advehi: Vbi resarcitis eius rimis, & Globositate exquisitâ aliquot ceteris inductis membranis reparatâ, atq; per biennium periculo facta, an liquid inde quâquâ versum remittere vellet, ut binarum æstatum atq; hyemum mutationes sustineret: Tandem cum eum rotundissimam Globi formâ undiquaq; cõstanter retinere deprehendissem, laminulis Orichalcis iustæ crassitiei eum totaliter superinduci curavi: idq; tanto studio & subtilitate, ut ex solido Orichalco Globum constare dicerem; vix apparentibus laminarum iuncturis: quem etiam mox in exactam Globi formam levigari feci: tandemq; Zodiaco & Æquatore cum suis Polis illi insignitis singulos eorum Gradus in singula 60, Minuta per puncta et transveralia, (uti soliti sumus) subtiliter distribuimus: relicto tamen adhuc annuo spatio ante distributionem ut periculum fieri posset, an post Orichalci inductionem, rotunditatem suam tam hyeme quàm æstate omnimodè cõservaret. Quod cum satis experimētatum foret; non saltè Circulos, de quibus dixi, illi adaptavi: sed & octavæ Sphæræ sidera, quorquor intercæ Cœlitus obtinere licuit, diligentissimè observata, convenientibus locis annotavi: quæ successivis annis magis magisque numero aucta, tandem millenarium complerunt, ita ut omnes stellas, quorquor visui vel parumper patent, illi adaptarim, relatis earum locis consulto ad annum 1600, completû brevi instantem, sicq; præterlapse sunt anni circiter 25, à primâ Globi huius confectioe, donec is divisionibus & stellis suis absolveretur. Quæ mora etsi tediola videri possit; tamen non parum habuit utilitatis, ut omnia cõstantius, plenius & perfectius præstarentur. Et, sat citò, si sat bene. Intercæ nihilominus eius exertiores adaptatae sunt Armillæ, utporè Meridianus, quem representant literæ EFGH & deinceps Horizon (de quo postea) intra quos ipse Globus comprehenditur, & in Axe suo circa Polos IK revolvitur. Hic autè Meridianus è solidò constat Chalybe, Habetq; Divisiones singulorû minutorum omnium Graduum & Horizon L M N spitali latitudine habes, Orichalco etiam superinductus est, & in suos Gradus atq; minuta Azimuthaliter divisus. Descendit verò à Zenith ad Horizontem Quadrans verticalium Circulorû Orichalceus apud B incipiens, & in Horizontem desinens, atq; in 90, Gradus cum suis singulis Minutis subdivisus: qui tam Altitudinibus, in semetipso, quàm Azimutis in Horizonte numerandis intervit. Ipse autem Horizon cum suo Meridiano, adeoq; toto intercepto Globo, pedestali firmo per OPQRSTVX representato innititur; in quo duo sunt ferramentâ QR decussatim sese transeuntia, quæ ab unâ parte vides: & duo similia ab alterâ sustentaculi & firmitudinis causâ, ne Horizon aut tota machina quâpiam vacillet ob magnitudinem atq; pondus. Est verò totum hoc sulcrum circiter 3 pedes altum; in cuius inferiori parte varii artifices Mathematicum ornatus gratiâ insigniter depicti cernuntur unâ cum alijs quibusdam pulchritudinem addentibus. Habet autem ipse Glob, in suâ diametro 6 proximè pedes. Hinc Meridianus & Horizon, cæteraq; æstimari possunt. Quantâ Globi machinâ tam solidè & subtiliter elaboratam, et undiquaq; ritè constantè à nemine hæcenus in quavis Orbis Terrarû parte (absit invidia dicto) constructam & absolutam esse arbitror Opus ingens & magnificentum: quod ut multi è varis Regionibus unâ cum cæteris meis Organis conspicerent, in Daniam profecti sunt; Dum Regnum Vranie incolume atque Arx inclitya stabant, Circa Horizontem hæc verba aureis literis leguntur:

ANNO A CHRISTO NATO MD, LXXIV, REGNANTE IN DANIA FRIDERICO SECUNDO.
 HINC COELESTI MACHINAE CONFORMEM GLOBVM, IN QVO AFFIXA OCTAVÆ SPHERÆ
 SIDERA COELITVS ORGANIS DEPREHENSIS SVS QUÆQVE LOCIS AD AMVSSIM REPRÆSEN
 TARE: ERRANTIVMQVE STELLARVM PER HÆC APPARENTIAS PERVESTIGARE DECREVIT:
 COELO TERRIGINIS, QUI RATIONEM EAM CAPIVNT, MÆCHANICO OPERE PATEFACTO, TYCHO
 BRAHE O. F. SIBI ET POSTERIS F. F. Quod verò annus hic adscribitur 1584, eò id sit, quod is circa
 medium tempus, dum hæc structura elaboraretur, incideret; quadriennio nimirum ante obitû laudatissimæ
 memoriæ Regis Friderici, qui me meaq; studia liberaliter & elementer fovit, ac Regis Amore, quoad vixit,
 prosecutus est. Addam & hoc, quod magnifica hæc machina superius tegumen habet, per YZ indisatum, in
 terius concavum, atq; rotundum, quod superius Globi hemisphærium comprehendat, atq; in eo per funiculû
 in cochleâ trabi affixâ ubi lubuerit, demissum ipsum Globum à pulvere, alijsq; inquinamentis protegat.
 Vius huius Globi est, qualis & aliorum Cœlestium: Quam peculiari libro per otium describere animus est.
 Neq; enim paucis absolvi potest. Habet autem præ cæteris hoc ob suam magnitudinem prærogativæ, quod
 omnia in eo exactissimè, adeoq; in ipso minuto exequi liceat; sicq; singula, quæ primi mobilis Doctri
 nam concernunt, & cœlestium corporum observationes respectu Ecclipticæ & Æquatoris,
 aliorumvè quorumvis in Sphærâ circularum minimo negotio,
 & absq; laboriosâ supputatione hic mæcha
 nicè perficiuntur.



DE IIS QUAE HACTENUS IN ASTRONOMI.

CIS DEI DONNO, EX ANTLAVIMVS, QUAEQVA POSTHAC EODEM
FAVENTE, EXEQUENDA RESTANT.



ANNO Domini 1563. ante annos, nimirum 35. quo tempore con-
iunctio illa magna superiorum Planetarum circa finem Cancri & initium Leo-
nis contigit, iuxta aetatis nostrae annum decimum sextum completum, Lipsiae li-
teris humanioribus operam dabam, sustentante me isthic una cum paedagogo,
Patruo meo charissimo GEORGIO BRAHE, qui ante annos circiter 30.
fatis concessit. Parens enim ipse meus honorandae memoriae OTTO BRAHE
filios suos, quos quinque habuit, quorum ego sum primogenitus, literis latinis imbuere non admo-
dam expetebat, cuius tamen implum postea poenituit. Educarat vero me ab ipsa infantia di-
ctus Patruus, & deinceps liberaliter aluit quoad vixit, usque in aetatis meae annum decimum octa-
vum, semperque filii loco habuit, atque in heredem adoptare constituerat. Erat enim ipsius coniu-
gium sterile, in uxorem ducta Nobilissima & prudentissima Dominam INGERA OXONIA,
magni illius PETRI OXONII postea Regni Danicae Aulae Magistri, sorore, quae ante quin-
quennium diem obiit, quaeque me et, dum vixit, instar filii, singulari amore complexa est. Haec postea
per duodecim annos in Gynaeceo Reginae, tempore Regis FRIDERICI II. laudatissime memoriae,
Aulae magistra fuit, succedente illi in eodem officio matre mea charissima & honoratissima BEATA
BILLEA per octennium, quae etiamnum ex Dei gratia superstes est, agens annum aetatis 71.
Factum itaque peculiari quadam sorte, ut ego a Patruo praenominato Parentibus ipsis inscijs in in-
fantia abreptus, ab eo circa annum aetatis septimum scholae Latinae adhibitus sim, & iuxta decimum
quartum postea annum, Lipsiam studiorum continuandorum gratia missus, ubi per triennium mo-
ratus sum. Quae ob id paulo altius repeto, ut constet, qua occasione studiis liberalibus primum ap-
plicatus, postea Astronomicis animum adiecerim, utque Parentum de me bene meritorum memo-
riam gratè recolam. Cum vero iam antea ex libris in Danica Patria mea, praesertim Ephemeridi-
bus (ut veniam eo quo constitui) Rudimentorum Astronomiae, cui naturali quadam inclinatione
addictus eram, initia nonnulla fecissem; cepi tunc Lipsiae, ut in invito & reluctante Paedagogo, qui
me Iurisprudentiae operam dara maluit, Parentum voluntatem praetendens, (quod & nihilomi-
nus, quantum per aetatem licuit feci) ex libris clà coemptis Astronomiam magis magisque, secreto ta-
men, ne Paedagogus subolferet; excolere; moxque successit Asterismis Coeli dignoscendis ad-
suescere, quos omnes, quotquot in illo Horizonte commodè visebantur, ex Globo quodam par-
vo, saltem instar pugni, quem mecum tacite vespertinis temporibus gestare solebam, intra mensis
spatium, proprio matre & nullo praemonstrante didici, quemadmodum neque alias in Mathema-
ticis praecceptorem habere contigit. Cateroquin citius in ea & plus forte profecissem. Plane-
tarum etiam motionibus mox attendebam. At quoniam ex commixtionibus eorum cum fixis stel-
lis tum quoque per lineas hinc inde ductas animadvertēbam, vel ex parvulo isto Globo, loca eorum
Coelestia non congruere, calculo sive Alphonfino sive, Coperniceo, licet huius magis quam illi ap-
propinquarent; postea indies diligentius illorum apparentiis denotandis invigilavi, & subinde
cum calculo Tabularum Prutenicarum (Nam & hunc mihi proprio studio familiarem tunc red-
dideram) contuli, Ephemeridibus non confidens; siquidem Sadianas, quae tunc solae ex his Num-
ris derivatae extrabant, plurimis in locis indiligentes & mendosas comperissem. Sed cum Instru-
menta nulla in promptu haberem, invidente mihi ea Paedagogo, circino quodam majusculo rem-
ab initio quantum fieri potuit, exequabar, applicatam videlicet iuncturam eius oculo, & utroque pe-
de in Planetam observandum & stellam aliquam fixam vicinam directo, aut etiam sic captendo
binorum Planetarum inter se distantias pro magnitudine Circuli, Gradus interdum interceptos
Mechanicè rimabar. Licet autem haec observandi ratio non satis exacta foret; tamen hinc eo per-
ductus sum, ut utriusque calculi errores intolerabiles manifestissime deprehenderim. Quod &
coniunctio illa magna anni 1563. de qua ab initio dixi & ob id etiam potissimum ab eadem exor-
sus sum, in motu Saturni & Iovis satis superque prodidit; siquidem ea Alphonfinos numeros in-
tegro mense fefellerit, Copernici aliquot etiam diebus, licet pauculis, Nam eius restitutio in hisce
duobus Planetis non usque adeo à coelesti norma digreditur, praesertim quoad Saturnum, quem nun-
quam ultra dimidium Gradum, vel ad summum besselius unius, Copernici in Coelo eludere calculum
animadverti, Iupiter interdum aliquantò maiorem suggerit differentiam. Postea anno 1564. Ra-
dium quendam Astronomicum è ligno mihi clancularie confieri feci, ex praescripto Gemmae
Frisii, quem per puncta transversa ab Homelio suo praecceptore hausta diligenter distribuēbat
Bartholomaeus Scultetus, qui tunc etiam Lipsiae degens, ob communia studia mihi familiaris erat.
Hoc radio adepto, strenuè postea Siderum observationibus, quotiescunque serenitas grata concede-
batur, operam dabam, & saepe integras noctes dormiente & ignorante Paedagogo, è fenestrâ tabu-
lati

lati cuiusdam, ijs capiendis invigilavi, atq; seorsim libello cuidam, quem etiamnum conservo, inscripsi. Precepi autem paulo post, Angulos distantiarum vario modo secundum divisiones Radij æquales acceptos & Geometricè interveniente Regulâ proportionum in numeros relatos, sibi ipsis non per omnia congruere. Quare indagatâ erroris occasione, Tabellam adinveni, qua Radij istius vitia emendare licuit. Neq; enim novum confieri curare, mihi tunc suppetebat commoditas. Petagogus enim, qui pecuniâ præfuit talia mihi fabricari non concessit. Sicq; multas observationes eo Radio, quâ diu Lipsiæ morabar, & postea etiam in Patriam revocatus exequabar. Deinde rursus in Germaniam abiens, Primum VVitebergæ; moxq; Rostochij Sideribus, quantum licuit attendebant. Circa annum verò 1569. & sequentem, Augustæ Vindelicorum versans, præter Quadrantem illum maximum, quem in horto Consulis extra urbem elaboravimus (de quo supra tuo loco dictum) alio quodam Instrumento, Sextante nimirum ligneo, à nobis isthic excogitato sidera creberrime observabam, & peculiari libro denotata consignabam; quod & postea, in Patriam denuò reversus, diligenter alio quodam simili, sed non nihil maiore effeci, præsertim cum admiranda illa stella nova quæ anno 1572. illuxit, meâ Pyronomicis laboribus, quibus Augustæ Vindelicorû inchoatis, & tunc continuatis plurimum inludabam, ad Cœlestia consideranda revocasset, quam etiam diligenter observatam, primum tunc temporis parvo quodam libello, tandem integro volumine fideliter & accurate descripsi. Postea successive aliâ atq; aliâ Organa Astronomica confici curavi quorum aliqua mecum per totam Germaniam iterum peregrinando, & aliquam partem Italiæ transeundo, adportavi, ubi in medijs itineribus à Siderum observationibus, quoties commoditas dabatur, non destiti. Demum verò in Patriam circa annum ætatis 28. reversus, præparabam mea paulo post tacite ad alium & diuturniorè abitum. Nam constitueram Basileæ Rauracorum, aut in viciniâ, sedes habitationis meæ eligere, quas & antea ob id perlustrâram. ut ibi Astronomiæ instaurandæ fundamenta ponerem. Placuit enim ille locus præ cæteris Germaniæ cum ob Academiam, celeberrimam, virosq; illic insigniter Doctus, tum aeris salubritatem & victus commoditatem; quodq; Basilea esset quasi in concursu trium amplissimarum Europæ regionum, Italiæ, Galliæ & Germaniæ; sicq; cum multis hinc inde Illustribus & Eruditis viris Familiaritatem per litteris contrahere liceret, atq; mea inventa eo latius in publicum usum spargere. Præsentiebam enim, me non satis commode & tuto hæc studia in Patriâ excolere posse, præsertim si in Scaniâ, atq; sede meâ Knudstorpiana, aut alibi in ampla quadam Daniæ parte hærerem, ubi Nobilium & Amicorum creber esset concursus, qui talibus, otium Philosophicum interrumpendo, impediam. eo essent. Vermenimverò accidit, ut dum hæc animo secreto voluerem, iamq; me itineri tanquam id non agens, accingerem, Serenissimus & Potentissimus Rex Daniæ & Norvegiæ Fridericus Secundus, laudatis, memoriæ, unum ex Nobilibus suis pueris Knudstorpium ad me cum litteris Regijs mitteret, quæ, ut se confestim accederem, ubicunq; in Zelandiâ reperiretur, iubebant. postquam igitur actutum comparuissem, optimus ille, & nunquam satis laudatus Rex, sponte sua & clementi voluntate mihi Insulam illam celeberrimam Porthmi Danici, Huennam nostratibus dictam (quam Latinus Venusiam appellare licet, exteri Scariatinam nuncupant) obtulit, utque in ea ædificia, atque Instrumenta pro exercitijs Astronomicis, tum quoque laboribus Pyronomicis fieri curarem, rogavit, seque sumptibus liberaliter ijs provisorum, clementer addixit. Re itaque aliquantisper deliberata, & communicato cum Prudentibus consilio, Regiæ voluntati mutata priori sententia non invite acquievi, præsertim cum viderem, me in ista Insula, quæ seorsim inter Scaniam & Zelandiam posita est, a strepitu interpellatum liberari, atq; otium & oportunitatē, quam alibi quærebatur in Patriâ, cui præceteris Regionibus, plurimū debemus, mihi sic concedi posse. Mox igitur Vraniburgū Arcem, Astronomicis reb. idoneam extruere coepi, anno nimirum 1576. & successively, tam ædificia quam Instrumenta varia Astronomica observationibus accurate instituendis idonea absolvi, quorum præcipua pars hoc libro designata, & explicata est. Interea etiam observationibus strenue in vigilabam, accitis in harum ministeriū pluribus studiosis acumine ingenij & visus pollentibus, quos alios illic continue sustentavi, ac hisce Disciplinis & pluribus alijs Philosophicis instruxi. Sicq; Dei benignitate factū est ut nulla ferme serenitate prætermissa, plurimas, easq; exactissimas observationes cœlestes Astronomicas adepti simus; idq; tam in fixis stellis, quàm omnibus Erraticis tum quoq; Cometis interea elucescentibus, quos septenos isthic Cœlitus accurate denotavimus. Peractæ autem sunt hæc ratione ibi 21 annorum sedulæ observationes, quas primū in magnis voluminibus conscriptas postea seorsim in singulos libros, pro quolibet nimirum anno distribui & ad mundum describi curavi; idq; tali ordinatione peregi, ut stellæ fixe seorsim quodquod illo anno denotatæ fuere, suum haberent locum. Planætæ vero omnes proprium peculiariter & distincte, incipiendo à Sole & Luna, ac per reliquos quinq; Planetas transeundo usq; in Mercurium, Nam: ne hunc quidem in observatū reliqui mus, ut ut rarissime pateat, Quinimo singulis pene annis is à nobis, tam matutino tempore quam vespertino diligenter denotatus est: quamvis magnus ille Copernicus se, quod hunc non observavit, ob Sphæræ nimiam inclinationem & viftulæ fluvii vapores excuset; Cum tamen

nos in paulo adhuc inclinatiores Sphæra, inq; Insula ūd;q; mari magis vaporoso cincta, eū multoties (uti dictum) conspexerimus, atq; demensuravimus, Sed forte ædes habitationis Copernici erant ita dispositæ, ut liberum undiquaq; præberent Horizontem, Ideoq; minis observationibus, præsertim eiusmodi declivioribus commodæ essent. Quod & retulit mihi Studiosus ille meus, quem ante annos 14. eò, altitudinis Poli examinandæ causa ablegaram. Quocirca Copernicus propriis in Mercurio de notationibus destitutus, nonnullas ex libro Observationū Gualteri, discipuli Regiomontani, & cuius Norimbergensis mutuari coactus est; quas licet non satis fideliter & præcisè suis placitis atq; Demonstrationibus applicuerit; tamen optandum foret, ut in reliquis Planetis, quos ex suis observationibus restituere ingenti ausu laboravi, non multò incertiores obtinuisset. Tunc certe Apogæa & Excentricitates eorū, reliquaq; huc conducentia longe emendatiora nunc haberemus: egoq; multorum annorum maximis & indefessis laboribus sumptibusq; ingentibus parcere potuissem. Quare cum 21 annorum selectissimas & accuratissimas observationes variis & affabrè elaboratis Organis, quæ in antecedentibus ostendimus, Cœlitus conquiritas in promptu habeam, (ut nihil nunc de 14. antecedentium annorum animadversionibus dicam) eas rarissimi & pretiosissimi thesauri loco custodiō: quas tamen cunctas aliquando fortè publici iuris faciam, ubi adhuc plures iis adungere, Divina concesserit elementia.

Ex quibus omnibus liquet, me inde à demico sexto ætatis anno, Siderium observationibus ad suebus ad sueviffe; easq; per annos penè continuos 35. hucusq; continuasse: inter quas alix tamē sunt alijs certiores & præstantiores. Nam eas quas Lipsiis in pueritiâ, & usq; ad annum ætatis vigesimum primum peregi, pueriles & dubitas appellare soleo, Quas vero postea usq; in vicesimum octavum annum adeptus sum, juveniles & mediocriter se habentes voco, Tertias autem, quas postmodum Vraniburgi exactissimis illis Instrumentis in maturiore ætate per 21. ferme annos, usq; in ætatis completum quinquagesimum maximâ demensus sum, viriles, ratas, & certissimas appello & censeo, Quibus etiam potissimum Astronomiæ redintegrationem fundare atq; extruere arduis conatibus enitor, licet & nonnullæ ex præcedentium annorum observationibus huc non parum conducant, Quæ verò in his ex Dei ope hæcenus Præstitimus atq; elaborata habemus; queq; in posterum eiusdem Numinis beneficio exequenda, perficiendaq; restant, in hunc modū se habent:

SOLIS ante omnia ex plurimum annorum accuratissimis observationibus restituimus motum, non saltem AEquinoctialibus Ingressibus accuratissimè rimatis, sed & locis his atq; Solstitialibus punctis intermeditis unâ adhibitis, præsertim in Boreali Ecclipticæ semicirculo; siquidem ibi refractionibus Sol meridians non sit obnoxius. Idq; utrinq; multoties conprobavi, atq; deduxi, in quorum utroq; evidens error tam Alphonsinis quam Copernico irrepsit, aded ut Apogæi Solis ternis proximè Gradibus Coperniceos numeros anteverrar, & Excentricitas sit 2½ partium ferè, qualium semidiameter Excentrici 60. Vbi apud Copernicum penè quarta pars unius desideratur. In simplici etiam motu Solis constituendo; hæc Annis quasi quartâ parte unius Gradus errorem committit. Inde Alphonsiana cum Coperniceis collata æstimari poterunt. Deduxi verò hinc tam æqualium motuum, quam Prosthaphæseon Canones numeris exactis: ut de Solis curriculo ad amissim verificato, numerisq; idoneis patente, non amplius dubitandum sit. Atq; hoc ut in Sole omnium primò fieret, omnino necessarium erat: siquidem is norma Cœlestium motuum existat, & Ecclipticam, ad quam reliquæ motiones referuntur, describat. Cujus etiam ab AEquatore obliquitatem maximam aliam deprehendi, quam Copernicus & eius coætanei, ut pote part: 23. Min: 3 1½. Ideoq; 3 ½ minutis illorum inventionem majorem, præcavendo nimirum refractionem Solis in Brumali litu, quam illi inconsideratè neglexerunt. Providimus etiam Soli peculiaribus Revolutionum canonibus; tum quoq; Declinationum & Ascensionum Rectarum novos canones nostris inventis fundatos addidimus. Quin & Parallaxibus, & refractionibus eius Tabellis singularibus consulimus.

In **LUNA** etiam non minorem adhibuimus diligentiam, ut eius errores salvarentur, qui multifariâ perplexitate involvantur, nec adeo simplices sunt aut tam facile patēt, ut veteres, & Copernicus existimarent. Nam & aliam quandam habet ea inæqualitatis inlinuationem secundum Longitudinem, quam ab iis animadversum est. Nec etiam proportionem Circuituum satis præcisè in eâ denotarunt. Quin & Latitudinis maximæ alios illa exhibet limites, quam a Ptolemæo præfinitum, quem hac in parte nimis secure omnes cæteri Astronomi postea secuti sunt: Imo & hanc ipsam inæqualiter mutat Luna ad differentiam tertiæ partis unius Gradus. Nec etiam nos eos, ubi Ecclipticam eius via transit, æquali motui, ubi hæcenus existimatum, subijcit, sed singulis revolutionibus hinc inde nutare facit, idque sensibili discrimine quod à qualibet parte seliquialterum Gradum non nihil excedit. Quemadmodum hæc omnia ex 16. annorum diligentissimis observationibus & animadvertimus & restituimus: inter quas 18. sunt Lunares Eccliptes, accuratè Cœlitus denotatæ, Neq; enim teræ sufficiunt ad primam eius inæqualitatem scrutandam, veluti Pto-

lemæus, Albategnius, & Copernicus opinabantur, Adhibitæ etiã sunt in consilium sex Ecclipsationes solares, quatenus eæ huc quidpiam conducirerent. Et præterea Luna in quadraturis, & maximis elongationibus à medio motu tam circa Apogæum quam Perigæum, locaq; intermedia multifariam & sæpissimè explorata; ut intricatus eius motus rite constare posset: Qui nos multorum annorum incredibili labore torlit, Adinvenimus tamen demum rationes, quibus eius instabiles & multiformes divagationes Circulis & Numeris parerët. Ideoq; & constitutã alia & apparëtis consona Hypothesi, Numeros tam æqualium quam inæqualiũ motum, non solum in longitudine, sed & latitudine adaptavimus, & Parallaxibus eius aliter, quam à Ptolemæo & Copernico factitatũ est, Prout experientia ipsi una Hypothesi consentiens requirebat prospeximus; nec etiam refractionũ Lunarium curam omisimus, cum sine his cætera non exacte dignoscantur. Quæ omnia & nonnulla alia Lunares apparentias concernentia, in Canones succinctos redacta, calculo, motibus eius inde cruendis destinavimus. Quare sic restituto utriusq; Luminaris curiculo, ut ipsi apparentis Coelestibus correspondeat, tam Ecclipses erundè quam cætera configurationes, modus atq; ingressus posthac rectissime constare poterint: quod hæctenus diu desideratũ est. Quæ vero hucusq; de Solis & Lunæ, quoad motus errorũ Coelestibus analogos, restitutione dicta sunt, ea & his Plura, caput Primum Progymnasmatũ nostrorum Astronomicæ instaurationis luculenter expediet. Ibi horum cupidus voti compos reddetur. Restat solummodo in Luminarũ horum ulteriore consideratione, ut omnia pluribus seculis adaptentur, & universaliora reddantur, quod non adeo magno negotio præstari poterit, quatenus veterum & antecessorum observationes, quibus inniti oportet, rite se habent. Hanc vero pleniorẽ & Catholicam expositionem in opus Theatri Astronomici reservamus. Interim Astronomiæ addictus iis que in Progymnasmatũ citato loco tradidimus, admodum utiliter frui poterit, & suo satis facere desiderio.

Præterea **STELLAS INERRANTES** sive fixas omnes, quod quod visui utcuq; patët, adeoq; etiam eas, quæ sextæ appellantur magnitudinis, interim etiã accuratissime verificavimus tam secundum longitudinem quam latitudinem in ipso minuto adeoq; nonnũquam eius semille: Suntq; hoc modo millenæ à nobis rectificatæ stellæ, cum veteres non nisi 22. plures numerãrint, qui in rectore Sphæra habitantes, ultra 200. cernere poterãt, quæ nobis hic semper latent: in quarũ tamen locum nos alias minutulas restituvimus ab ijs ob parvitatem prætermittas. Laboravimus in hoc arduo opere penè 20 Annis, eo, q; varijs Instrumētis rem omnem accurate experiri voluimus. Quia vero minutulæ Stellæ non nisi hyeme cum obscuræ sunt noctes, & latente tunc insuper Luna cernuntur. Ideo multorũ Annorum requirebatur expectatio, antequam hæc debite & sufficienter absolvi possent: cum etiã circa ipsa novilunia, quando hæc potissimum, praxi subicere oporteat raro fuerit serenum. Quæ vero ratione per Venerem tam Eoam quam vespertinam intermediente Sole in fixarũ quoad longitudes ab AEquinoctio, exactum cognitionem pervenerimus & multifariam id ipsum comprobaverimus, revocatis omnibus ad eam quæ lucidior est supra caput 7 numero tertia (quam data opera pro fundamento reliquarum constituimus, cum duæ anteriores minus pateant) caput secundum dictorum Progymnasmatũ abunde expediet, vnaq; qua ratione alias hinc deduxerimus: & primo, quomodo triplici ratiõ per totum Coeli ambitum juxta Zodiacum & AEquatorem selectiores quædam in totius Circuli maximi exactam completionem redegerimus. Animadverti etiam, non tantam esse in longitudinibus earum inæqualitatis perplexitatem, quantã existimavit Copernicus. Ea e nim quæ is circa hæc imaginatus est vitio Observationum tam veterum quam recentium irrepsit. Quare etiam AEquinoctii præcessio hisce Annis non adeo tarda est, prout ille voluit. Neq; enim in centenis nunc Annis fixæ stellæ unum Gradum conficiunt, ut fert eius calculus, sed solummodo in 7 1/2. Quod & antea semper fere, si rite limitentur antecessorum Observations, facere consueverunt, modica saltem & aliunde per accidens incidente irregularitate: ut suo tempore, volente Numine, latius aperiemus.

Quin & latitudes fixarum pro variatione obliquitatis Ecclipticæ non nihil alterari, primus adinveni, atq; dicto Capite varijs exemplis demonstravi. Sicq; satis superq; testari possumus, ipsaque experientia suffragabitur, sumã & infallibili accuratione fixarum loca à nobis esse verificata, adeo ut plurimas ex ijs multoties diversis etiam Instrumentis comprobaverimus singulis in unum coincidentibus. Nec mechanicè negotium hoc executi sumus, utut Globus maximus Orichalceus in promptu fuerit. Verum omnes Stellæ per Triangulorum rationes laboriose in debita loca redegitimus: prout vel ex ijs patet, quæ de Cassiopeæ Asterismo (in quo nos 26. stellæ, duplo plures quam veteres numeramus) circa finem eiusdem Capitis exhibuimus: licet pluribus etiam Triangulorum applicationibus & ratiocinijs alijs atq; alijs stellis prout commodius visum, usi fuerimus. Si veteres & prædecessores, nostri tantam adhibuissent diligentiam in denotandis fixarum locis, nequam tam viciosus fuisset eorum abacus, inde ab Hipparcho ad nos perveniens, qui ne quidem in sexta illa Gradus parte, quam solum modo exhibet, rite constat: sed & longe majorem, atq; intolerabilem sæpè numero inlinuat deviationem: quod vel solæ intercapedines Stellarum, quæ semper

invariata permanent, liquido ostendunt. In plurimis enim Stellis hæc longe aliter se habent, quam numeri veterum exigunt. Consistere autem fixas omnes in iisdem ad invicem perpetuo intercapedibus, vel hæc sufficienter probant, quas Hipparchus & Ptolemæus in linea simul esse recta, prodiderunt: liquidem id ipsum adhuc invariatum permaneat. Earum fixiarum, quarum nos longitudinem & latitudinem in ipso minuto, adeoq; interdum eius semisæ (ut dictum) redintegravimus, Cononicam expositionem, suo tempore & loco habimus.

Nec solummodo circa longitudines & latitudines fixarum accurate constituendas occupati fuimus, sed & in præcipuis quibusdam, numero 100, Ascensiones rectas & Declinationes, per Triangulorum ratiocinia inde derivavimus, atq; duobus sæculis ita adaptavimus, ut singulis intermedijs Annis una porportionabiliter satis fieri posset. Refractionibus insuper Stellarum peculiari Tabellâ subvenimus e diutinâ & multiplici experientia constructâ, Nisi enim hæc præcaveantur, ipsissima, fixarum loca, præsertim ubi Horizonti in vicinum Altitudinis Gradum appropinquant, haberi nequeunt. Quare semper etiam in locis Stellarum a nobis emendatis, refractionum insinuationi, ubi opus fuit, providimus. Habent vero hæc refractiones (ut hoc quoque obiter hic moneam) se paulo aliter in Stellis, quam in Sole. In quibus etiam, ab ijs, quæ Luna ingerit, non nihil differunt: veluti hæc a nobis jamdudum & extricata & patefacta sunt.

Desideratur itaq; jam nihil aliud in affixis Sideribus, quam ut earum motus universalis, redditus omnibus mundanaevi sæculis adateptur. Quod accurate præstare non foret difficile, modo veterum in his observationes non nimis lato modo acceptæ fuissent. Attamen limitatione convenienti adhibitâ, & hac in parte, quoad fieri poterit, Astronomiæ cultoribus me satisfacturum confido.

Optandum vero foret, ut reliquæ etiam Stellæ antiquitus notatæ, quæ in nostro Climate non apparent, prioribus millenis à me verificatis adjungerentur: tum quoq; aliæ quas ne veteres quidem intra Actum Aegypti habitantes cernere poterant, quæ juxta Polum arcticum extant. Nam pulcherrimas ibi quoq; splendere Stellæ, relatione eorum, qui ultra AEquatorem navigarunt accepimus. Quantum vero ad primum attinet, in Aegyptum vel similem Africæ situm proficiscendum foret, atq; illic Stellæ quotquot exoriuntur, sedulo denotandæ. In altero obtinendo ad Americam Australiorem, vel aliam Regionem ultra AEquatorem navigandum, ubi omnia Sidera circa Polum antarcticum visuntur, atq; isthæc Observationes earum instituendæ. Quare si qui Illustres & Potentes Domini in altero horum vel utroq; nostris & aliorum desiderij subvenire non degravati fuerint, egregium sane quid præstiterint, & perpetuam memoria ad nomen posteritatem celebrandum: siquidem id a nemine hæctenus, quod scitur, debito modo tentatum sit, nedum absolute præstitam, Ego Instrumenta & media huc conducentia subministrare non detrectabo: modo sint, qui hoc procurare velint, & idoneis hominibus tam laudabili negotio prospicere,

Demum PLANETARVM reliquorum quinque errores scrutari, atq; hisce excusandis subvenire, non intractum reliquimus: sed in hisce omnibus tam Apogæa, quam Excentricates, quod principaliter requirebar, tum quoq; simplicem eorum motum, ac orbium & circuitum proportionem, ita in integrum digestimus, ut erroribus, veluti hæctenus, non scateant, & in ipsis Apogæis aliâ quandam adhuc litare inæqualitatem prius non perspectam deprehendimus: tum quoq; circuitum illum annum, quem Copernicus per motum Terræ in orbe magno, veteres secundum Epicyclos excusarunt, variationi cuidam obnoxium esse perspeximus: Quibus omnibus, atq; cæteris huc pertinentibus peculiari quadam Hypothesi nobis ante 14. Annos ex ipsis apparentis adinventæ & constituta consulimus, quam alij quidam, inter quos tres notabiles scio, postea pro sua inventionem sibi arrogare, & aliis venditare nimis perfrecta fronte non erubuerunt: veluti suo tempore & loco V. D. occasiones horum indicabo, atq; eorum nimiam licentiam reprimam & redarguam, itaq; se habere, adeo evidenter convincam, ut non sit sincero iudicio præditis hæsitandi aut contradicendi locus. Parcæ vero ijs si ingenuè admissum falsi fuerint, & mihi mea restituerint. Ideoq; à nominandis illis nunc volens abstineo.

Latitudines quoq; Planetarum inemendatas, prout prædecessores nostri inde à Ptolemæo, non permisimus, sed ijs in quinque etiam Planetis diligenter per totum Circuitum attendentes, alimetas aliosque per Ecclipticam transitus definivimus, ut omnia ipsi Cælo congrua sint: in quibus in evidenter animadvertimus, trium superiorum Planetarum nodos, sive limites maximarum latitudinum, Apogæorum motui non esse, conformiter obnoxios, sed alium obtinere per se proprium, si modo ea quæ à Ptolemæo de his tradita sunt recte se habent, à quo tam Alphonsini quam Copernicus sua mutuati sunt, nec ullam ex Observationibus propriis correctionem adhibuerunt. Vnde fit, ut Planetæ nonnunquam in Cælo sint Australes, cum eorum numeri illos Boreales exhibent, atq; e contra.

Restat igitur nihil aliud in quinque errantibus Stellis pariter exantlandum, quam ut hæc, quæ circa Longitudines & Latitudines, atq; omnia huc pertinentia aliter se habere, quam ferunt usitata Tabulæ, jam ultra 25. Annos (ut de 10. prioribus nunc taceam) coelitus deductis accuratis Observationibus

vationibus explorata & constituta habemus. in novos & comperentes Canones redacta, numeris exponantur, quorum etiam quaedam initia & fundamenta jam a nobis facta sunt. Cætera per aliquot calculatores non difficulter compleri poterint, & postea sequentium Annorum, quotquot lobuerit, Ephemerides hinc expangi. Idemque in Sole & Luna, quorum Tabulas jam in promptu habemus, præstari, quo sic futuris temporibus minimo negotio procurari possit, motus Corporum Cælestium a nobis restitutos ipsis apparentijs congruere & undiquaque recte constare.

Tantem ad omnimodam Astronomiæ complexionem plurimum cõduceret, non saltem Latitudines, sed & multo potius Longitudines locorum terrestrium rite cognitatas habere. Quâ quidem in parte nos hæcenus, quantum licuit, sedulo laboravimus, & nonnulla loca rectius ordinasse persuasum habemus. Verum cum huic negotio non sufficienter succurratur, nisi in diversis & longe distitis locis Ecclipsi; aliquot Lunares pari diligentia, quoad temporum momenta a diversis etiam observatoribus delignentur; Si hac quoque in parte Reges & Principes alijque Illustres & Potentes viri in distinctis Orbis terreni Regionibus existentes, provisionem liberalem & idoneam adhibuerint, magnum equidem fecerint operæ pretium. Sicque Astronomia, quatenus terrestribus opus habet Horizontum differentiis, consummatior evadet.

Porro dum perennibus illis & Mundo coævis Cæli corporibus indefesso studio plurimis Annis sedulo attendimus, adscititia etiam eiusdem Aetheris Mundi corpora quotquot interea illuxerunt, non minori diligentia perscrutati sumus: Ac primam Novam illam, & supra modum admirandam Stellam, quæ circa finem Anni 1572. apparere cepit atque per 16. mensis duravit, antequam conspice plane desinit. De ea (inquam) Stella nos, cum adhuc duraret, libellum quendam conscripsimus, (veluti etiam id supra breviter innuimus) eiusque apparentias ostendimus. Post aliquot vero Annos hanc curam resumens, ob miraculi magnitudinem integrum volumine de eadem concinnavimus, quod primo Progymnasmatu Tomo certis de causis ibidem patefactis inserere lubuit, ubi non solum nostras, in stupendo hoc sidere animadversiones luculenter exhibeo, & Geometricè demonstro, sed aliorum insuper, quotquot de eodem placita cognoscere & obtinere licuit, libertate Philosophica excutio, & quatenus ipsissima veritate congrua fuerint, nec ne, disquiro, atque in apertum deduco.

De Cometa quoque ingentis apparitionis, qui quinquennio post insecutus est, peculiarem librum adornavimus, in quo pariter de eodem tam ex proprijs observationibus & decisionibus, quam aliorum sententijs sufficienter agimus, quibus Apologias quasdam huc spectantes, & negotium hoc Cometicum plenius elucidantes adjungimus: atque id totum primam partem secundi Tomi Progymnasmatu sic adimplere voluimus. In altera circa reliquos sex minores Cometas, quos successivis aliquot Annis pari diligentia denotavimus, in posterum V. D. occupabimur. Quæ licet necdum plane absoluta sint, præcipua tamen & magna eorum pars, quæ Demonstrationibus inserviunt, præparata, Neque enim perpetua illa sideria nobis ortum reliquerunt, hisce evanidis, & cito transeuntibus nimium immorandi. Spero tamen me brevi & hanc alteram secundi eius voluminis, favente Divina bonitate, completurum. In quo per omnes, quos designavi, Cometas liquidè demonstrabo, in quibusdam apertius, quibusdam vero, prout commoditas concessit, eos omnes in Aetherea Mundi regione versatos fuisse, & nequaquam sub lunari Aère, ut hæcenus nobis frustra tot seculis persuasit Aristoteles, atque eius sectatores. Cur autem in secundo Progymnasmatu Tomo de Cometis agam, antequam ad reliquos quinque Planetas de quibus tertio tractare animis est, me confero, rationes ibidem in Præfatione adduco: quarum hæc præcipua est, quod ex Cometis, quos revera Aetheros esse probo, totum Cælum limpidissimum & liquidissimum esse, nullisque duris & realibus orbibus refertum, satis constare potest: liquidem huiusmodi ut plurimum observant vias quam ulli Orbis Cælestes suppeditare possent, & per consequens, Hypothesin a nobis adinventam nihil absurditatis admittere, cum nulla fiat Orbium atque dimensionum penetratio, ubi nulli realiter dantur.

Atque de ijs, quæ huc usque in **ASTRONOMICIS** partim peregrinamus, partim adhuc peragenda restant, sic brevibus indicasse sufficiat.

In **ASTROLOGICIS** quoque effectus siderum scrutantibus non contemnendam locavimus operam, ut & hæc, a mendis & superstitionibus vindicata, experiëntiæ, cui innituntur, ut plurimum consona sint. Nam exactissimam in ijs adinventire rationem, quæ Geometricæ & Astronomicæ veritati par sit, minus duco possibile. Cum vero huic Prognosticæ Astronomiæ parti, quæ mantica & Stochastica est, in adulescentia impensius addictus fuisset, posteaque ob motus Siderum, quibus fundatur, non satis perspectos eam seposuisset, donec huic incommodo subventretur, conpertis demum exactius Siderum vijs, eam subinde in manus resumendos majorem subesse certitudinem huic cognitioni, utut vana & frustranea non solum vulgo, sed & plerisque Doctis, adeoque nonnullis inter eos Mathematicis habeatur, comperi, quam quis facile existimarit: Idque tam in influentijs & prædictionibus meteorologicis, quam Genethliacis, modo tempora

rite constant, & motus Siderum atque ingressus Cœlo consoni adhibeantur, ac directiones atque revolutione rite administrantur: In quibus duob. nos etiam aliam ab ipsa experientia extruximus rationem, quam hactenus usitatum fuit. Sed nos istiusmodi Astrologica non libenter alijs imperitimus, quatenus haud pauca in his explorata habemus: siquidem non omnes ea qua decet circumspeditione citra superstitionem & nimiam confidentiam, quæ nullis creaturis tribuenda est, discrete uti norint. Ideoq; aut nulla aut admodum pauca ex nostris inventis de his in publicum evulgabimus. Quare & hæc de ijs breviter & generaliter nunc sit dixisse satis.

Quin & in Spagyricis præparationibus, seu Pyromicis exercitijs non minimam impendit curam, ut & hoc obiter hic indicem, cum eæ quas tractat materiæ Cœlestibus corporibus & influentijs analogæ sint. Ideoq; terræ extremam Astronomiam appellare soleo. In hac cognoscenda tractandaque inde à vicesimo tertio ætatis anno non minus quam Cœlestibus occupatus, plurima, tam in Metallis quam Mineralibus, tum quoq; Gemmis & vegetabilibus atq; crescentibus, alijsq; materijs huc pertinentibus, hactenus multo labore, nec mediocribus sumptibus expertus sum. De quibus cum Illustribus & Principibus viris, alijsq; præstantibus & Eruditis, qui talibus afficiuntur, atq; eorum cognitionem aliquam habent, ingenue conferre, atq; nonnulla ijs communicare per occasionem non tergiverabor, modo mihi de eorum voluntate constiterit, quoq; ea secreta habituri sint. Talia enim vulgaria fieri, nec expedit, nec æquum est. Neq; enim cuivis datum licet multiusmodi profiteantur, hæc mysteria debito modo secundum Naturæ exigentiam, innoxie atq; utiliter exequi.

Ne paginæ sequentes vacarent, placuit addere tres Epistolas, quas duo præstantissimi viri ad me de Astronomico negotio scripserunt; quarum una est Nobilissimi & Amplissimi illius Iacobi Curtii Optim: mem: Procancellarii antea Imperii: Reliquæ duæ Iohannis Magini Patavini, Excellentissimi apud Italos Mathematici atq; Astronomi: ut vel ex his aliquatenus peteat, quantam de me conceperint spem in hac Arte eximij iudicio prævalentes viri: quorum similia plura apud me reservantur. Hæc sola addenda putavi, ne nimius in his viderer. Ut vero horum atq; aliorum de me præclare expectationi aliquando satisfaciam, nimis viribus anniter: idque facit
DEVS.



Amplissimi & Generosi viri Dni,

IACOBI CVRTII, ANTEA PROCAN,
CELLARII IMPERII,

Ad

TYCHONEM BRAHE IN DANIAM

SCRIPTARVM ANNO CIO ID. XC.

S. P.

Magnas tibi ago gratias Nobilis æquè ac eruditissime vir, quod me nō modo literis tuis compellare, sed benevolentiam quoq; tuā tam amanter offerre mihi volueris. Ego certè, licet faciem tuam non viderim meliorem tamē tui partem mentē nempè, ex scriptis tuis, quibus te ipsum æternitatem iam consecrasti iam olium & amavi & suspexi, & eius causa totum te videre venerari, & amplexari non minus avidè concupivi, quam illi olim, qui ex ultimis Hispaniæ finibus ad Livium videndum in urbem profecti sunt. Auxit hoc meum desiderium humanissima hæc tua compellatio & in tantum auxit, ut nisi Cæsaris voluntas, & muneris publici, quod gero, ratio prohiberent: ita me DEV Samet, neque itineris intercapedo & molestia neque suavissimæ coniugis dulcissimorumque pignorum amor & illecebræ me cohiberent, quin arrepto itineris comite communi amico Thaddæo Hageccio ad te in Daniam usque excurrerem. Dicere nequeo, quanto perè me delectet cum Hageccio, mente postquam corpore non possumus, totam Huenam perlustrare, & imprimis exactissima tua observatoria Instrumenta, totum denique Mathematicum illum apparatus vel imaginatione tantum complecti. Quid verò si ipse spectator adessem, teque ipsum omnia non explicantem tantum, sed exercentem videre possem? Sed id quia optare quidem licet, sperare hoc tempore vix (neque enim omnem spem penitus abieci:) missum iam etiam, & ad Epistolam tuam conversus, paucis ad summa eius capita respondebo. Atq; hoc imprimis. Quod iudicium meum de scriptis tuis amanter exquiris, quod censurae, eam quæ tibi cum doctissimis quibusdam viris non tam lis quam amica est concertatio subijcis, in eo tantum mihi à te honoris tribui accipio, quanti non facerem, si Reges & Principes de Regonis & Provincijs integris desceptantes, me sibi Iudicem constituerent. Ut vero, id quod petis & offers, mihi faciendum sumam, nec eruditio, quæ in me aut nulla est, aut verè exigua, neq; modestia mea patitur. Nè tamen ad tam amicam postulationem planè surdus sim, hoc habeto. De scriptis tuis quid in genere sentiam, testabitur Cæsareæ Maiestatis privilegium, quod hisce literis adiunctum tibi mitto, cuius ita scribendi ego Cæsari author, et porro, vera in eo Cæsarem testari, sponsor fui. In specie vero ea quæ de Cometis posterioribus, quotquot ipsa observati à te tradita solidissimisque rationibus confirmata sunt, talia esse puto, ut de ijs ne ambigi quidem amplius ab Eruditis viris queat. Itaq; non adducor, ut credam eos qui hæc in parte dubios sese adhuc ostendunt, & contra demonstratam veritatem Aristotelis authoritati pathrocinari videri volunt, id ita vere sentire. Sed hoc potius, eos agere puto, ut cum omnem moverint lapidè omniaq; undiq; conquiverint, quæ Aristotelam sententiam confirmare tuam vero labefactare, aut dubiam reddere videantur, ea tibi proponant, tanquam at Lydium lapidem examinanda, adeoq; causam tibi præbeant, eruditionis tuæ Sole, omnes omnino errorum tenebras non modo, sed vel levissimas nubeculas dissipandi, exactissimamque harum rerum doctrinam posteritati perficiendi. Qui si hac mente tecum certant, nã ego illis

illis quam maxime bene cupio, si aliud agunt, pertinaciam quidem eorum odio dignam existimo: Id tamen quod pertinacia sua in commune beneficium tibi extorserunt, ipsis valere, vel potius non valere iussis amplector non secus, ac si bona id mente fecissent: de eorumque reipublicae literariae gratulor.

De prioribus Cometis, quos Regiomontanus & alij observarunt, expecto quae prope diem editurus es, eodem usque meam quoque sententiam, an in univsum omnes Cometae et huius rei credendi sint, an vero pars elementares, suspensurus.

Ad ea, quae novis tuis hypothesebus, haecenus obiecta sunt, solide mihi videris respondisse. neque ego quicquam in his absurdum, sed omnia invicem pulcherrime congruentia invenio: an vero hypotheses istae, id quod in Copernicianis desideratur, praestiturae sint, ut scilicet exacta Siderum loca ad praeterita praesentia, & futura tempora nobis exhibeant, de eodem tum demum iudicandum erit, ubi maius illud, quod moliris, Opus, in lucem prodierit. Neque enim dubito, quin in eo opere omnium aetatum quotquot extant exactiores observationes, cum tuis, quas exactissimas esse, certo mihi persuadeo, summa diligentia contuleris, indeque novam hanc mundi Machinam, divino sane ingenio, extruxeris.

Maeste itaque animo, vir nobilissime, & fac ut divinis tuis inventis quam ocyssime fruamur. Etsi enim arduum, & ut ipse verè scribis, multorum hoc sit opus annorum, spero tamen, imo confido, te maximam iam eius partem exantlassse, & in recolligendis & ordinandis his, quae iam constituisti, tabulisque inde condendis, magis hoc tempore, quam in confirmandis amplius inventis tuis versari. Qua in re cum discipulorum tuorum opera magna in parte iuvare possis, iterum atque iterum te rogatum volo, ne nos nimium diu suspensos habeas, vitam tibi ex animo ad Neitoores usque annos exopto: nosti tamen quam fallaces sint spes nostrae, & quam immatura plerumque divinis praesertim ingenii mors obtigerit, Falle itaque moras, & vel non maturo partu, hunc ingenii tui foetum orbi terrarum ede. Si fata longiorem tibi, quod avidè optamus & speramus, vitam concesserint, poteris & edita recudere, & iudicio tandem tuo quoque (nostro enim quin in prima editione satis facturus sis, nihil dubito) satis facere. Liberabis interim nos perpetuo metu, ne dum nimium cunctaris, toto opere frustreremur. Ego certe tantam de te, tuisque his hypothesebus spem concepi, ut vel à te, vel à nemine solidam Astronomicae artis exaedificationem expectandam esse pro certo affirmare audeam. Quin, praeter divinam Ingenii vim, tot tantisque rebus huiusmodi necessariis instructus sit, tot tantisque sumptus, labores & annos contulerit, non est in Europa (cum Europam dico, totum Orbem dico) qui tibi comparari queat, quisquam. Abest hinc, ita me DEVS amet, omnis adulatio, à qua & dignitas, quam gero, & gravitas quam cum omnibus tueri laboro, me apud notos atque ignotos, in ignoti praesertim de facie nominis laude, satis superque vindicabunt.

Quae de exacta Instrumentorum ad observationes necessariorum constructione & usu variorum in locis, & ad varios à te scripta sunt, summo opere me delectarunt. Ego dum haecenus mihi ipsi satisfacere non potui, dum ea quae non exacta sunt, ne videre quidem, nedum habere patior, omnibus omnino Instrumentis, praeter ea, quae ad voluptatem tantum comparantur, careo, Quadrans Nonnianus multum aliquando me habuit sollicitum: sed quia difficillime, imo fere impossibile est eum conficere, cogitavi ego de alijs modis, & inveni variorum partem Christophorus Clavius insignis Mathematicus in libello suo de horologiis solaribus, per Instrumentum describere edidit. Tandem in mentem mihi venit quadrantis cuiusdam constructio, quae quia doctis quibusdam viris non inelegans visa est, volui eam ad te quoque mittere. Ut tamen ingenuè fatear quod res est, quodque verissime affirmas: inventiones hae omnes minus habent in recessu, quam de se prima fronte spondent. Gratum tamen mihi erit tuum de hoc ultimo meo invento audire iudicium. Ex N. N. Plagiarum tui libello, quem fundamentum Astronomicum inscripsit, unicoque eius diagram-

mate, quod Paulo VVitichio dedicavit, construxi ego præteritis diebus, cum ob adver-
 sam valetudinem publicis negotiis vacare non possem, novam sphæricorum triangulo-
 rum doctrinam, in qua per tabulam sinuum, tangentium, & secantium omnes tam rectan-
 gulorum quam obliquangulorum casus, sine vlla multiplicatione vel divisione per solâ
 additionem & subtractionem facillimè perficiuntur. Eam quoque ad te mitterem, nisi
 scirem te rem totam, solo eo diagrammate inspecto facilè assecuturum. Ex illo enim
 diagrammate & axiomate à multis iam demonstrato, quod radius sit medius proportio-
 nalis inter sinum rectum arcus & secantem complementi, tota ea ratione extracta est.
 Quod reliquum est, valere te iterum atq; iterum, vir Nobilissime, in multos annos pre-
 cor, & omnia, quæ à me in te proficisci officia amoris & benevolentix possunt, tibi per-
 amanter affero, enixe rogans, quod ultro facere cæpisti, me te ex animo amantem amare
 pergas. Data Pragæ 28. Junij, Anno 90.

Jacobus Curtius à Senfftenau.

Quis verò Quadrantis, cujus in literis mentionem facti, descriptio adjuncta fuit: lubet & hanc apponere: siquidem
 ingeniosa sit, & alijs ejuscemodi tam à Nomino quam cæteris productis in ventionibus prævalet: attamen, ut & ipse
 Dominus Curtius ingenue fateatur, non habent ejuscemodi subtilitates in penitiorè recessu, quod primâ fronte pollicen-
 tur: In quibus subscribit is, quæ hæc de re Tomo secundo Progymnasmatum parte priorè pag. 461. de eodem Nego-
 tio asseruntur. Nam præterquam, quod intricate hæc & laboriose subdivisiones, aliquid latentis viij nonnunquam fa-
 cilè insinuent, admittitur & hoc incommodi, quod quidam Quadrantes, quò centro sunt proprios, cò n:iores eva-
 dunt. Idèoque subdivisionum minus cæpates, & ipsa Regula, si non exactissimè lineam rectam ubique, quâ transit,
 exhibeat, punctumq; aliquod in medio scindat, (quod difficulter dignoscitur) frustra hæc laboratus: ut alijs incommodi-
 tates nunc præteream. Quare nostra ratio, quæ prope ipsum lumbum & Quadrantis circumferentiâ sit, hæc multum
 occupat spatij, & facillè etiâ parari potest. longe est expeditior & certior: cum etiâ per se, quæ paucioribus re-
 quisitis constare queunt, pluribus non indigeant: Attamen hanc Oni, Curtij rationem admodum ingeniosam, utut Præxi
 non satis idoneam, hæc sub jungere licuit, ut sua præstantissimo illi viro tribuatur inventio, nec alijs (uti sit) eam sibi ven-
 dicent: utq; ejus memoriam, atq; eximij ingenij laudem, vel sic alijs modo post obitum eius gratâ mentè recolam. Est au-
 tem ejuscemodi.

SEQVITVR DESIGNATIO SVBDIVISIONVM
 QVADRANTIS.

Ab Amplissimo & Generoso Dno:

CURTIO, IMPERII PRO CANCELLARIO
 GENEROSE ADINVENTA.



Ntra quadrantem quempiam exactissime in nonaginta gradus divisum,
 describântur quinquaginta & novem alii quadrantes. Et in eo qui pro-
 xime sequitur quadrantem extremum, accipiatur arcus sexaginta & unius
 graduum, & dividatur in sexaginta partes æquales, aut accipiatur arcus
 triginta & dimidii graduum, & dividatur in triginta partes æquales, & cõ-
 tinebit utroque casu quævis earum partium gradum unum & minutum
 unum. Harum partium non nisi prima utimur, reliquis omisisis tanquam non essent
 in quadrante, eamq; ob causam occultè faciendâ est ista divisio, aut quod magis probare-
 mus, fiat divisio ista in alio quodam quadrante, & ex eo transferatur una earum partium
 in hunc, quem a lufum construximus, nè quæ postea describendæ sunt partes, cum prio-
 ribus confundantur.

A termino huius primæ partis transferatur in quadrantem eius semidiameter, & arcus,
 quem is subtendit, dividatur in sexaginta partes æquales, eritq; quævis harum partium
 gradus unus aut minuta sexaginta, semidiameter enim cuiusvis circuli subtendit sextam
 partem circuli hoc est, gradus sexaginta. Deinde à termino huius arcus transferuntur
 in reliquum quadrantis, harum partium viginti octo, eruntq; partes æquales, quarum sin-
 gulas

gulas gradum unum continere diximus octoginta octo, quibus si addideris primam illam partem, quam ostendimus continere gradum unum & minutum unum, exurgent gradus octoginta novem & minutum unum. Reliqua igitur pars quæ super est usque ad finem quadrantis, continebit minuta quinquaginta novem.

In altro quadrante, qui hunc proxime sequitur, accipiat arcus graduum sexaginta duorum, dividaturque in partes sexaginta æquales, aut arcus graduum triginta & unius dividatur in triginta partes æquales, et continebit quævis harum partium gradum unum & minuta duo. Harum quoque partium non nisi prima utimur, omisis reliquis. Ex termino verò huius primæ partis transferatur iterum in quadrantem eius semidiameter, dividaturque arcus, quem is subtendit, in sexaginta partes æquales, & earum viginti octo proferantur in reliquum quadrantis, habebimusque iterum octoginta octo gradus integros; quibus si primam partem, quæ gradum unum & duo minuta continet, addiderimus, exurgit arcus graduum octoginta novem & minutorum duorum, eritque ultima illa pars, quæ usque ad finem quadrantis superest, minutorum, quinquaginta octo. Pro tertio quadrante accipiemus ab initio arcum graduum sexaginta trium, dividemusque eum in partes sexaginta æquales, aut dimidium eius in triginta partes æquales, & accepta inde prima parte, omisis reliquis, continebit ea gradum unum & minuta tria. Cætera peragemus non secus, ac in primo & secundo quadrante factum est.

Pro quarto quadrante accipiendus est arcus sexaginta quatuor graduum, pro quinto arcus graduum sexaginta quinque, & ita pergendum, accipiendusque semper est pro quadrante sequenti arcus uno gradu maior, usque ad quadrantem quinquagesimum nonum, pro quo assumendus est arcus graduum centum & novendecim, dividendusque, ut prius, in sexaginta partes æquales, aut arcus graduum quinquaginta cum dimidio, dividendus est in triginta partes æquales, continebitque quævis harum partium gradum unum, & minuta quinquaginta novem. A termino primæ huius partis omisis reliquis, transferendus est iterum in quadrantem eius semidiameter, & arcus ab eo subtensus dividendus in partes sexaginta æquales, earumque viginti octo proferendæ in reliquum quadrantis, habebimusque iterum octoginta octo gradus integros, quibus addita prima illa parte, exurgent gradus octoginta novem & minuta quinquaginta novem, & proinde reliqua pars, quæ ad finem usque quadrantis super est, continebit minutum unum. Hac ratione divisus istis quadrantibus, adscribatur primo quadranti, quem in nonaginta æquales partes divisimus, 0. In quamcunque enim partem eius quadrantis lineæ fiduciæ inciderit, continebit arcus is gradus integros præcise & nihil ulterius. Proximo, qui huc sequitur, quadranti, adscribatur, 1. In quamcunque enim partem huius quadrantis fiduciæ lineam ostendit, minutum unum. Sequenti quadranti adscribatur 2. & hunc proxime sequenti 3. post 4. & ita progrediemur usque ad intimum quadrantem, cui adscribenda sunt 59. Quia in quamcunque partium huius intimi quadrantis fiduciæ lineæ inciderit, continebit arcus is ultra integros gradus minuta quinquaginta novem.

Exhibet hic quadrans actu & realiter partes quinquies mille & quadringentas, omnia scilicet prima scrupula quæ in nonaginta gradibus comprehenduntur, usus autem perfectus est. Cadente fiduciæ lineæ aut filio perpendiculari, in partem aliquam integram alicuius ex his quadrantibus adiciantur semper gradibus integris: quos fiduciæ lineæ vel perpendiculari filium, ostendit, tot minuta, quod adscripta sunt ei quadranti à latere, & prodibit numerus graduum & minutorum in arcu abscisso contentorum. Exempli gratia: Cadat fiduciæ lineæ in quadragesimam quartam partem eius quadrantis, cui ab utroque latere adscripta sunt triginta quinque minuta, continebit itaque arcus à fiduciæ lineæ abscissus, gradus integros quadraginta quatuor & insuper minuta triginta quinque.

IOHANNIS ANTONII MAGINI PATAVINI

Bononia eodem Anno cl. cl. XC.

AD

TYCHONEM BRAHE IN DANIAM

scriptarum.

ILLVSTRIS VIR.



Ccepi librum tuum eruditissimum ad me tuo nomine à studioso quodã Dano, qui olim tibi domesticus erat, transmissum, quo mihi abs te nihil gratius exhiberi potuit, cum eiusmodi scripta curiosissime conquirere soleã, ac libentissime perlegere. Vix enim alia via sperassem eum ad manus meas perventurum, cum perpauca istic excusa volumina soleant in Italiã importari propter longinquitatẽ itineris, ac vecturæ difficultatem: Eo accedit, quod elegantissimo hoc numere quanti me faceres, præclare significasti: quo quidem nomine tibi gratias ago, quas possum maximas. Quod enim summoperè expetò & studere soleo, ut mihi scilicet pateat aditus in gratiam tui similibus; tu, quæ tua est singularis humanitas id mihi ultro obtulisti. Hunc ego meum in te animum ne possem, ut deceit, atque ut optabã statim per literas significare, id fuid causã, quod ad te cum meis literis nuper à me elucubratum Opus propediem edendum mittere cõstitueram: Superiore autem ætate, cū incidissem in orbũ egi diligenter cum eodem studioso scriptis ad eum literis, ut a te meo nomine, quæ hic subiiciam, peterẽ ne graveretur. Habere igitur maxime cuperẽ compendiosam descriptionem stellarum fixarum, quemadmodũ a te emendatæ sunt, ut mihi usui esse possit, in meis brevi ad prælum revocandis Ephæmeridibus, ad hæc notitiam aliquã Eccentricitatum Planetarum, itemque cõmensurationum uniuscuiusque eorum orbis, si eas a Copernianis differre Invenisti, ac correxisti. Quod si mihi gratificari non dedigeris, efficiam profecto ut te non pœniteat beneficij in me tui: Namque ea quæ humanos & liberalium artium Professores decet, ingenutate, tuarum te rerũ auctorẽ, laudare in meis scriptis mihi constitutum est. Meum vero sensum ac iudiciũ, de tuo illo præclaro labore, circa Cometam anno 1577. cõspectum, ne desideres: Sic habeto, vir Clarissime, Cum enim incredibilem in illo diligentiam tuam & accuratam observandi viam perspexerim, mihi persuadeo, fore, ut cœlestium corporum motus emendare exactissime possis, fructuque operæ illius maximo omnium studio, atque expectationi cumulatissime satisfacias, unde nomini tuo sempiternum decus adiungatur. Cuperẽ tamen, te in motu Martis observando & examinando maxime incumbere, cum eum observari non posse exacte, vulgo persuasum sit: atq; ego in ea sum hæresi ut putẽ immutari Eccentricitatem ipsius periodumque suã habere, ita ut alia in eo introducenda sit æquatio Eccentricitatis: alioqui sit tabula efficiatur pro maxima Eccentricitate, non poterit minimæ inservire, & contra. Ex quo videmus, Copernicum (etsi Eccentricitatem huiusmodi variari deprehendit) nõ idcirco tabulas condidisse, quæ singulis temporibus conveniat, quando Martis equationes supputatæ ad Eccentricitatem a Copernico observatam partium 5. 5 1. 3 0. aptari minime possunt, ipsius Ptolemæi temporibus, quibus partim. 6. Martis Eccentricitatẽ definivit. Non possum non magnopere probare Systema Vniversi a te excogitatum, quamvis cuperem Solis Orbem ac Martis nequaquam sese interfecare. Quod si, ut a studioso isto cognovi, Martẽ acrony cum terræ propius accedere, quam Solẽ, a te est observatũ, intersecatio huiusmodi omninõ admittẽda est. In magna versor expectatione tuarũ huiusmodi observationum & speculationũ, quas & phare & sequi minime erubescã. Et si in cõstruẽdis Ephæmeridib. resolutisq; tabulis a Coperniana rõe, et tabulis Prutenicis ne

latum quidem unguem deflexi. Spero etiam, quod vehementer cupio, primum tuum da-
mundi *Ætherai* phænomenis librum, quem iterum editurum polliceris, hoc anno le-
cturum. Significavit mihi sæpe dictus studiosus abs te desiderari *Veneri* librum de mo-
tu octavæ *Sphæræ*, quem cum tota *Germania* conquiseris, nunquam tamen invenire
potueris. Quare unum ego ipsi exemplar dedi, ut id ad te meo nomine transmitteret. Si
quid erit aliud, quod tua causa efficere possim, perhonorificum ducam, ut à te mihi im-
peretur, cui velim omnia feliciter evenire, atque optime esse consultum. Hoc anno
publice interpretaturus sum meas *Cœlestium Orbium* hypotheses: quæ mihi bona erit
occafio, quæ in hoc genere à me edita sunt, longe uberius explicare (ut iam facere ag-
gressus sum) & commentariis ac *Geometricis* demonstrationibus, supputationibusq;
illustrare. Quæ tamen commentaria priusquam publici iuris efficiantur, libenter ego lu-
cubrations tuas cognoscere, & intelligere velim, ut tuas quoque suppositiones iis inse-
rere & explicare possim. Ac ne tibi prolixitate nimia sim molestior, hic faciam scribendi
finem, te rogans iterum atque iterum, ut meam in te observantiam benevolo excipias
animo, boniq; consulas. *Bononiæ Idib. Septemb. 1590.*

Illustri dominationi tuæ

Addictissimus

Io. Anton. Maginus Patavinus.

*Altera eiusdem Doctissimi Magni Epistola, libro cuidam, quem tabulam Tetragocinam inscribit, mihi dedicato,
prefixa Eum tamen ante annos sex editum, ab ipso Magino missum non accepi; sed postea obiter apud Bibliopo-
lans inventum, quidam ex meis Astronomie studiosis attulit.*

Nobilitate Perillustri, & Eruditione Præstantissimo viro
TYCHONI BRAHE DANO DOMINO de KNVDSTRVP,
& Arcis *Vraniburg* in *Insula Hellepont* *Danici* *Hugna*
fundatori.

IO. ANTONIVS MAGINVS PATAVINVS MATHEMATICVS
S. P. D.

Diu multumque plurimis. ab hinc annis cogitavi (Nobilissime ac doctissime vir)
ut viam invenirem expeditam, ac facilem, qua cuiuscunque numeri quamvis ma-
gni quadrata radix colligi ex tempore posset. Opus sanè arduum, & perquam dif-
ficile, in quo quantum insudarim, nemo plane credet, nisi qui ipse aliquando peri-
culum fecit, & sæpe quidem a proposito rei difficultas me deterruit. Verum
enim vero res tandem ita mihi faciliter successit, ut plus, quam optatè, invenerim:
nā quid in hoc genere calculi præstiterim, tu primū doctissime Brahe deinde reliqui omnes *Mathe-*
leos cultores, ad quorum manus hæc pervenerint, probe perspicient. Nolo autem hic in laudandis
meis inventis nimis audax studiosis videri, ne momus quispiam propriæ laudis parum modestum
præconem me esse cavilletur, Cæterum qualicunque hoc sit opus, tibi, gloriosissimi nominis viro,
ac nostræ ætatis *Astronomo* eminentissimo, grati animi & observantiæ erga te singularis causa
dicare volui, idque maximis de causis. Primum enim tu ipse es, cui maxime debeo, quod amicitia
tuæ fores ita amanter ac humaniter mihi aperuisti, atq; mihi plus honoris tribuisti, quam eruditio
(siqua est) tenuis mea, ac perexigua postulabat, cum mihi tuum secundum librum de recentioribus
mundi *Phænomenis* per *Danum* quendam studiosum misisti, simulq; per eundem, quid de illis sen-
tirem, quæ siviisti, nec non etiam quod meæ *Epistolæ* humanissime respondisti, multa mecum de rebus
Astronomicis differendo. Deinde tu unus es, cui hanc meam *Tetragonam* tabulam acceptam
fore maxime confido, propterea quod ipsa sælicissime uti poteris ad eliciendos inæqualitatum
motuum planetarum angulos, & promptiori quidem compendio, quam per *Tangentium*, & *Secan-*
tiarum tabulas. Tandem quia tu ille es præstantissimus *Astronomiæ* instaurator, cui plurimum de-
bet nostra ætas, & debent posteri omnes, quandoquidem non ego solum, sed omnes fere sincere
mentis viri de tuis *Astronomicis* fundamentis ipse eam conceperunt, ut à te solo *Astronomiæ* restitui-
tionem

tionem auide expectent. Etenim tu tales miro artificio, ac invento coelestium sphaerarum confin-
xisti hypotyposes, quales probe sufficere posse ad tuenda phaenomena, & apparēcias coelitus anim-
adverfas, ac ad definienda coelestium luminum loca ad quævis tempora, non ambigēdum est. Hor-
ror itaque te, obtefforque, exiguo hoc munusculo tibi oblato, ut quod feliciter exorsus es, & multo
jam tempore in hoc doctrinae genere moliris, tandem absolvas: namque nullum alium rectius &
feliciter id præstare posse quā te, qui ingenio es acerrimo natus ad Astronomiæ collapsæ illustra-
tionem, recte ac sincere judico, idque sperant omnes. Etenim si tuum laboriosissimum ac præstan-
tissimum Theatrum abiolutum quamprimum nobis communicabis, ijs profecto, qui olim motuū
correctionem tentarunt, et qui nunc pertentant, omnem eripies gloriam, atque in posterum tenta-
turis omnem præripiēs occasionem, & materiam.

Scio quidem post tuorum laborum editionem mea scripta correctionem desideratura, sed tantū
abest, ut hæc me perturbent, ut potius desiderem quamprimum tuas speculationes publici iuris fie-
ri: nam confestim Ephemerides meas corrigam, quarum secunda editio auide expectatur, vel, si
opus erit, de novo alias pertexam, Illud etiam per hanc epistolam tibi significare liceat, me Patavij,
& Bononiæ poli investigationem, ac Martis, eorumq; affixorum siderum meridianas altitudines,
quas tantopere me observare optabas, hæcenus prætermisisse, neq; ob id in negligentia nomine
a te accusari velim, cum hoc præstandi mihi a varijs negociorum fluctibus, qui me oppresserunt,
erepta sit facultas, accedente etiam loci incommoditate, præsertim Patavij, de quo tibi idem iste re-
stari poterit. Sextantem i-lum Astronomicum, quem ex tuo invento & in tui gratiam Patavij fa-
bre fieri curavi, exactissime cœlo respondere ad singula minuta recte percepi, quoniam easdem di-
stantias adungem nonnullarum fixarum, quas in tuo catalogo ex tuis observationibus notasti, de-
prehendi, Atque hunc iam Bononiam mecum exportavi, vbi observationes plurimas in tui com-
modum perficere tentabo, Quinetiam & hoc te latere nolo, Nobilissimum ac doctissimum virum
Paulum Bonfilium patritium Bonontensem, tuicq; studiosissimum, fabrefieri curasse proprijs ex-
pensis Quadrantem ex ligno, & metallo decempedalem, qui non tam minuta, quam minorum
partes in observationibus exhibebit, Idem Nobilissimus vir Sextantem quoq; eiusdem magnitu-
dinis habere studet, quibus Instrumentis in summa turri, quam in sua domo habet, observationes
coelestes in tui gratiam perficere commodius valeamus, de quibus omnibus suis loco, & tempore
certior fiet. Hic finem epistolæ huic me imponam, te enixe rogans, ut si quid possum, tuo jure me
utare, Vale vir præclarissime, Astronomorumque decus, atque Astronomiam perficere
tuis lucubrationibus, & vigilijs perge, & Spartam, quam accepisti

(ut ajunt)orna. Iterumq; diu, & felici-
ter vale.

Bononiæ Kalendis Februarij. M. D. XCII.



H

Sub.

Subiuncta erant huic Epistola quedam prestantium virorum apud Italos Carmina; inter
que hæc Excellentissimi illius Andree Chiocci addere locus patitur.

Ad Nobilissimum, ac Doctissimum virum
TYCHONEM BRAHE VRANIBVRGI
fundatorem, & Astronomiæ instauratorem.

DVM rapidos Cælorum orbés, errantiaq; astra
Sydereo captus circumvestiaris amore,
Et Varios Solis cursus lunæq; labores,
Ac Iovis excelsi Solium, Paphiæq; recesses
Regna Deæ, Tum qui Cyllenius ignis in Orbés
Permeet adversos, & cetera lumina jungas
Vsq; sibi, Sociosq; libens fulgore nitescat,
Viq; per æthereos errent inimica recessus
Frigida Saturni, atq; horrentis Sydera Martis,
Nec tam me nte sagax flammantis mania mundi.
Lustrare, eximiumq; tuis, BRAHE magne, videris
Cælestis rationis opus contexere chartis,
Corpore quàm si nual immensum per inane supernæ
Apetijse Domos, quâs multo deinde labore
Rimatus præclara tuo de pectore pandis
Dogmata, quis sara assurgant etate Nepotes,
Hinc tu sublimi è specula admirator Olympi
Immortalem animum Patriæ cælestis amore
Accendis, vilesq; doces contemnere terras:
Tum supra & sortem, atq; illius munera supra es
Vitam agitans Divinam, nec te in ortalia tangunt
Furta, non lusus, non vitis monstra fugacis.
Miste animis, BRAHE magne, tuis, qui Cardine tanto
Majus opus inesse potes, quàm densa manipulis
Aquila vitæfici proscindere concita dextra,
Aut tua captivos sub stemmata duce re Reges,
Et spolia ampla simul magno adjuncta triumpho

Barbaricas auro vestes, ostroque micantes,
Migdonios arcus, pharetras, Lyciisque sagittas,
Caucasisque hostem de victo milite portis,
Aut certè extremis trepidantem includere Bactris,
Omnia tempus edax tenues dispergit in auras
Inchya lethæo delibans gesta sopore:
Sola animi Virtus superum concendit Olympum
Ardua, nec Lachesis metuit contagia sævæ.

Andreas Chioccus Veronensis,

ΕΙΣ ΑΤΤΟΝ

Εὐσεβίας πρὸς τὸν καιῖνα, καὶ σαδραλὴ κύκλωρ
Νύματα ἔβραασ δέκρυσιω ἰμμελίως.
Πλῆστα μὲν Ἀρχαίων ποίη ἢρ πεπονημῆτα τέπαι,
Οὐδὲις δ' ἰμφανέως πω'τα διδοξίμ' ὄμως,
Εἰτόνοιμ' ἐπὶ πύρι λέγει; δέμις ἑραυίωρ
Οἰκιστὴς τίμιος; τίθμια λῶστα μάθωρ;
Ἡ' μάλλου σίχης Ἀθανάτων μάλα δειρο μολῶσασ
Μοῦνον ἐπαίδουσαν γνῖσια ἔργα θεῶν,
Ἀλλὰ διδύκα μνομ' χθονίοις καλῶρ ἀμδρα φθονῖσασ
Εὐλαμ' ἔς ἀσρωμ' ἕκα βόλιμοτο χορομ.

Τὸν Αὐτοῦ

Quia adhuc aliquid superest spatij que sequuntur, paucula sic expetente Typographo, subijungi permiffi,
ex literis cujusdam Medicinæ Doctoris Patavij commorantis ad puendam studiosam Danum ante
sexennium datis, excerpta.

MAGINVS per totam ferme ætatem Hic PATAVII & VENETIIS moratus est. Qua de caussa, non satis constat.
Interea GALLILEVS de GALLILÆIS FLORENTINVS Professionem Mathematicam hic adeptus est, qui suarum lectionum septimo Decembris initium fecit. Exordium erat splendidum in magna auditorum frequentia. A Dno. PINELLO is liberaliter commēdatur, quē, si posset, perlibenter in Dni TYCHONIS amicitiam insinuaret. Tu, qui animum TYCHONIS novisti, poteris, quod ex re erit, in hisce disponere. MAGINVS edidit nuper librum, cui Titulum fecit (Tabula Terragonica) sub TYCHONIS patrocinio. Exemplar mihi ad te mittendum dedit, quod prima occasione transmittam. Retulit etiām, Illustrissimos VENETOS in consilio rogatorum deliberasse, ut aliquis Mattheseos peritus stipendio 300. Coronarum in ÆGYPTVM ablegaretur, qui pro TYCHONE isthic observaret. Tanta enim hęc TYCHO certe est celebritatis, quantæ nemo eorum, qui nunc vivunt. Datæ Patavij 28. Decembris
Anni 1592.



X quo itaq; e præmissis Clarissimi illius MAGNI litteris intelligam, esse, in Italia Magnificos quosdam & præcellentes viros, qui Astronomicis rebus addicti, Organa etiam ad nostrorum imitationem parare, atq; observationes Corporum Coelestium his subtiliter perficere non interittendum ducant, est sanè id mihi auditum quam iucundissimum. Nec dubito quin eximia utilitas ad Artem Astronomicam ampliandam hinc promanare queat: siquidem in rectiore quàm nos, habitent Sphæra, & solertia præditi sint insigni: opibusq; insuper valeant, quibus hosce sumptus facile sustineant. Optarem vero ea quæ hæctenus ab illis Coelitus deprehensa sunt, mecum mature communicari, quod nunc commodius fieri posse existimo, siquidem in Germania degam atq; hoc tempore prope HAMBURGVM, Emporium celebre, quod cum Italis quoq; plurima habet commercia, in Arce quadam RANZOVIANA subsistam: aut etiam si alibi sorte posthac in Teuthonia fuerim, id quicquid erit facile me inveniat.

Potissimū vero id quod Illustrissimi VENETiarum Magnates (uti ex literis, quarum modo mentionem aliqualem feci, percepi) ante paucos Annos Heroico & liberali proposito constituerant, ut executioni, si hæctenus ob aliquas interveniētes remoras (uti nonnunquam fit) intermissum est, etiam nunc mandetur quibus possum precibus animoque devoto exoptarem: quò nimirum aliquis mitteretur iuvenis harū rerum intelligens & gnarus in Urbem ÆGYPTI, olim ALEXANDriam, nunc ALKAIram dictam qui isthuc ante omnia elevationem Poli tam ex Sole, cum in ipsa Meridie est, quam Stellaris Meridianum quoq; tam versus Austrum quam Boream transeuntibus, accuratissime observaret adhibito motu Solis a nobis correcto, nostraq; fixarum verificatione: idque tam præsertim ob causam, ut certo constare queat, an Poli sublimitas longo ævi tractu aliquantulum nutet, nec ne: ita ut Terræ singuli Horizontes non semper eandē post multa sæculorum intervalla sentiant: quemadmodum nonnulli eximij Mathematici etiā inter ipsos Italos non levibus indicijs suspicantur: tum quoq; ut ea, quæ summus ille COPERNICUS circa intricatum Axis Terreni motum, ut mutationem obliquitatis Eclipticæ salvaret, ingeniose imaginatus est, sic etiam quodammodo examinari queant. Quamvis (ut dicam quod res postulare videtur) etiam manente perpetuo eadem exacte poli supra quemvis Horizontem Altitudine eius hac in parte Hypothesis constare possit modo non alia obstarent: Quamvis de his nunc subtiliter disputare, meamque censuram interponere nostri non sit instituti, neq; locus patiatur. Hæc autē in ALEXANDria præcipue factitanda experiundaq; censerem, quod quam maxime credibile sit, PTOLEMæum principalem in Astronomicis Artificem, loci eius in quo vixit latitudinem, seu, quod idem est Poli sublimitatim quam exactissime olim nimirum ante quindecim circiter sæcula demensum fuisse: ita ut unius vel alterius scrupuli non lateat error, quin 32. Gradus deficientibus solummodo duobus Minutis ea adimpleat: quod & quidam ex eius antecessoribus adinvenerunt. Nam quæ de alijs Poli vel Æquatoris inclinationibus, ab ipso in Geographicis, vel etiam alibi ab literis referuntur, fide exacta carent: & ut plurimum secundum æstimationem lato modo sumpta sunt: quemadmodum & in affixis Sideribus, quæ in uno aliquo Horizonte pro maiore parte singulis Annis visuntur & observari possunt, non ea, quæ requirebatur, secundum longitudinis & latitudinis dimensionē adhibita est diligentia. Multo igitur facilior lapsus contingere potuit in Terreni Orbis locis non ita patentibus, & observationi in uno aliquo situ obsecundantibus. Neq; etiam, quæ veteres in præcipuarum quarundā civitatum latitudinibus rimandis ex proportione Gnomonis & umbræ prodiderunt, ad amissim rite se habere credibile est, siquidem umbræ extremitas non satis præcise pateat, & longissimū oporteat esse Gno-

monē, exactissimeq; ad suū planum dispositum, qualia in ipso Minuto pandat. Taceo q; Æquinoctialia momenta, circa quæ hauc pragmatiam ut plurimum exercuerunt, illis non tam præcise cognita fuerint, atque hæc postulat operatio. Cumq; Sol circa Æquinoctia citissime Declinationem variet, pronum erat aliqualem hac in parte committere deviationem, licet sensibus oculorum nō admodum obviam. Quare ea quæ de relatione Vmbræ ad Gnomonem in urbe ROMA à PLINIO referuntur, quod sit in Æquinoctiis veluti 8. ad 9. etsi rite expensa, Solisq; semidiametro una considerata probent quodammodo, eandē nunc esse ROMÆ Axis Mundani inclinationē, quæ olim fuit temporibus PLINII, collatione nimirum facta cum ijs quæ centum circiter Annos à præstantissimo illo Mathematico IOHANNI REGIOMONTANO isthic explorata leguntur. Attamen cum scrupulus adhuc moveri queat, an sitis præcise antiquitus commensurationes ista Gnomonica acceptæ sint, nihilo ferme certiores sumus in his quam antea. Nolo nunc insinuare, quod & ipsa Regiomontani denotatio fluxa sit, adeo ut sibi ipsi intra quatuor minuta non constet. Quin & hæc ipsa, quæ attulit ex loco Solis non satis comperto ideoq; Declinatione eius dubia paulo audentius protulit: Ut de refractione, atq; Parallaxi Solis, quæ duo neglexisse videtur, nihil addam. Nulla igitur alia ratione, quantū ego quidem video, indubitate experiri licebit, an aliquatenus Axis revolutionis Vniversi, motusq; diurni sese alterarit respectu certi Horizontis in Terra præterlabentibus aliquot sæculis, quam si nunc, ALEXANDRÆ potissimum (uti dictum est) Poli elevatio quam accuratissime denotaretur, atq; cum veteri illa Ptolemæica conferretur.

Porro non solum hoc, ea in ÆGYPTO noviter instituta animadversio commodi largiretur, sed & multæ fixæ Stellæ isthic una eademq; opera Cœlitus denotari possent, quæ in nostris Horizontibus nunquam oriuntur usq; ad ipsum Canopum. In Sole quoque & Luna ac cæteris Planetis plurima isthic tam in refractionibus, quam alijs ad eorum normam subtilissime scrutandam facientia explorari: per quæ veterum ibi degentiū animadversiones limitari poterint, atq; in ea quæ in his Borealibus locis deprehensa sunt, simul disquiri: quatenus videlicet cum ijs conveniant necne; multaq; præterea Astronomiz in integrum restituendæ hinc provenire subsidia: quæ sigillatim omnia enumerare, nimis longum foret.

Vos igitur, Illustrissimi & Potentissimi VENETI, si huc eximiam & laude dignissimam curā adhibere, veluti antea mihi de vestra præclara intentione innotuit non degravemini, feceritis sane rem non saltē utilem, diuq; frustra desideratam, sed & ad omnem Posteritatem inclytæ vestræ laudis quæ alias late elucet, memoria dignissimam.

Ego vero quantum in me est, huc Negotio auxiliatrices etiā ferre manus, sive Instrumenta, & mediā ordinando, sive ea quæ faciendā sint, præscribendo, nullatenus erga vos meo defuturus sum officio, quod vobis omni cum obsequio semper reverentur

offero: quamvis non diffitear, inventi in Italia, adeoq; in vestra

inclyta urbe, qui hæc ipsa, & alia huc pertinentia me

longe expeditius præstare queant. Neq; enim

deerunt Marones, ubi adfuerint

Mæcenates.

DE ARCHITECTONICIS STRUCTURIS ASTRONOMICIS Observationibus accomodis.

Instrumentorum Astronomicorum in hunc quidem modum conſignationes ex-
 Politæ (prout ſuperius viſum eſt) Mæchanicam Artis partem, quæ omnium pri-
 ma eſſet debet, & ſine qua cætera incaſſum erantantur ſatis ſuperq; tractant, & om-
 nimodis uſibus non ſaltem ſucunda, ſed & utili peneq; neceſſaria varietate ac co-
 pia ſufficiunt. Atſi Organa hæc exercitio ſuo, atq; ei cui deſtinantur, officio, apte,
 & abſq; incommodo applicari debent, requiritur non ſolum locus idoneus, ſed &
 ædificia oportuna, in quibus hanc pragmatæam, citra difficultatē aut turbationes ullas adminiſtra-
 re liceat. **LOCVS** vero ſit imprimis editus, unde liberum circumquaq; ſpectare Horizontem
 detur, nullis obſtan:ibus aut ſylvis aut montibus, aliſve ædificiis. Conducit etiam, eundem eſſe ſoli-
 tarium, & a vulgi ſtrepitu remotum, quo orio liceat frui Philoſophico, ita tamen, ut neceſſaria
 in promptu ſint, & accessus ſubinde pateat Eruditis ac intelligentibus, arceatur vero promiſcum
 vulgus, talia nec capiens, nec in pretio, uti merentur habens. Et licet loca, quæ in Meridionali ter-
 rarum plaga exiſtunt, ob Sphæræ rectiorem ſitum, & ſerenitates forte crebriores, præferenda vi-
 deatur iſs, quæ ad Polos vergunt, quæq; magis ſunt ſeptentrionalia in hoc nimirum Arctoo ſitu,
 tamen cum non cuiſvis oportunitum ſit, Patriam aut locum in quo degit ea de cauſa mutare, nec eti-
 am ea, quæ experitur, conditio atq; commoditas in Auſtraliſſimis Terræ partibus quibuſvis, præ-
 fertim ignotis & peregrinis forte concedatur, oportebit utiq; ea contentum eſſe, & loci & tem-
 poris occasione, que offertur & præſto eſt, & difficultates atq; incommoda, ſi quæ incidit, conſtan-
 te diligentia ſuperare, ne idem eveniat, quod de tempore vere Seneca ait: Parum habemus, ſed
 multū perdimus. In AEGYPTO quidem, atq; alijs Africa & Aſiæ locis, ubi veteres vixerunt Aſtro-
 nomi, ob Cœlum, uti aſunt, magis ſudum, & Sphæram minus inclinatam, hæc præpitiuſ facili-
 tate daretur: At cum Bellona per Turcarum Imperium, omnes pene iſthic liberales artes expulerit, &
 Aſtronomiam ibi exulare, aut minus in pretio haberi (niſi quatenus ab Arabibus forte adhuc quo-
 dammodo exercetur) veroliſſime eſt. De alijs Europæ partibus, quæ in Auſtrum vergunt meliora
 utiq; ſperanda forent, quatenus Turcæ aut Moſcho non parent: liquidem artes ingenuas iſthic nõ
 averſentur. At cum ea etiam regna alijs ut plurimum occupentur, & Aſtronomia minus (quod
 quidem ſcitur) curent, diſpendium potius quam compendium facturus videtur, qui eas partes, utut
 Auſtraliſſimas iſs quæ non nihil in Boreā vergunt prætulit. Imo cum obſervationes hyberno tem-
 pore quando noctes longiores ſunt, commodius & plenius perſiciantur, habet Arctoa ora id præ-
 rogativæ, quod non tantum hoc præſtet, ſed & inſuper intento ſuo gelu, ſpirantibus præfertim Bo-
 realibus ventis aërem ita depuret & extenuet, ut pluribus sæpenumero continuis diebus defæcatif-
 ſimus ſit, adeo ut ſtellæ noctu quam maxime fulgeant, atq; ſcintillent, cum tamen in Auſtraliſſi-
 mis Regionibus tunc creberrime aut Pluat, aut cœlum alias nubibus obductum, udum ſit, & cœle-
 ſtum conſiderationi minus pateat. Exoptavit quidē laudatiſſimæ memoriæ Princeps Gulielmus
 Haliſiæ, & Landgravius, rebus Aſtronicis impenſe addictus, iſsq; non leviter tinctus ut in ma-
 gis Auſtrali tetræ loco habitationem meam obtinerem, quo plenius Cœleſtibus in vigilarem, veluti
 ex literis quibuſdam ejus ad me in Epistoſularum Aſtronicarum Tomo primo Pag. 2). impres-
 ſiſ liquet, idq; optima intentione eum feciſſe non eſt dubium, & forte etiam, quo me iſthuc alliceret.
 At qui ego exiſtimo, in Dania non pauciores quam vel in Haliſia, aut quavis alia Germaniæ parte,
 (uti de cæteris Europæ regnis nunc non dicam) obtineri poſſe ſiderū obſervationes, niſi quod nõ-
 nullæ Stellæ in Auſtraliſſimis plagis oriantur, quæ in Borea perpetuo latent. Quod tamen non
 magni eſt momenti, nec ad Aſtronomiæ redintegrationem admodum conducit. Teſtari id poterūt
 libri unus & viginti manuſcripti, qui penes me ſunt, totidem Annorum accuratiſſimas obſervati-
 ones in Dania peractas complectētes, quod & quales vix alibi utut, in magis meridionali Regione,
 à quoquam interea (abſit invidia dicto) obtentas eſſe arbitror. In quibus non ſolum omnium Pla-
 netarum ſingulis Annis, & ne quidem Mercurio rarius ob minorē à Sole digreſſionem apparente,
 loca & viciliſſitudines crebro & multifariam explorata habentur: ſed & inerrantium Stellarum,
 quod quod viſui utcuq; patent, poſitus ſubtiliſſime denotati ſunt: Et poſtea in Canonicā deſcrip-
 tionem inde relati, qualem hæcenus nulli etiam ex iſs qui AEGYPTUM & AUSTRALIA, magisq; (uti
 putatur) ſerena terrarum loca olim inhabitarunt, præbuiſſe deprehenditur, uti neq; nullis eorum
 ſucceſſores, ubicuq; tandem terrarum degentes. Quod me non ex arogantia ulla aut contemptu
 veterem, ſed rei veritate ſic adſtipulante proferre, brevi volente Numine, palam faciam.

Atq; hæc de eligendo loco (in quo tamen ſuo abundare ſenſu quemlibet permitto) ſit admonu-
 iſſe ſatis.

plura ipſa occaſio faciſſe ſuggeret: Et ſi omnia pro voto haberi nequeant, acceptanda nihilomi-
 nus, qualiſcunq; offertur, commoditas: ut aliquid potius quam nihil agatur.



ARCIS VRANIBV RGI QVO
AD TOTAM CAPACITATEM
DESIGNATIO.



DE LINEATIONIS ARCIS VRANIBRVGI,
QVO AD TOTAM CAPACITATEM EXPLICATIO.



FRIDERICVS SEOVNDVS laudatissimæ memoriæ, Rex Daniæ & Norvagiæ, & nulli virtute, magna nimitate atq; integritate cedens, qui ante annos decem ingenti cum luctu non saltè Daniæ & subditorum sed & adiacentium Regionū latis conselsit, annum agens ætatis quinquagesimum quartum, diurniore sane vitâ dignissimus, modo DEO ita visum fuisse: Is (in quâ) optimus Rex, cum præter alias Heroicas dotes erga libera lalia studia vere liberali & propèlo esset animo, atq; intollexisset Astronomiam inter hæc principem locum obrinentem, à summis semper Monarchis & Regibus in summo etiam pretio habitam, multosq; ex his laudabiliter in eâ verlatos, nec minimam nominè perpetuitatē inde consecutos, hanc in suo etiam Regno præclare excoli atq; fovendi duxit operæpretium. Quapropter, ubi in illius instaurationi operam navare, atq; in eâ palæstra multis iam annis inde adolescentiâ verfarum percepisset; adeo ut huius continuandæ & adoptarum finem perducendæ gratia, relicta Pætria in Germaniam, quò quietiùs & oportuniùs eidem vacarem, discedere animum induxisset, me accersitum, ut isthæc in Daniâ ideme xequerer, clementi benevolentia adhortatus est: & spõte oblatâ Insulâ celeberrimi freri Daniæ Venusia, communiter (uti dictum) Huenna appellara, commoditatem hinc Cælestibus studijs ibi operâ dandi Regio favore largitus est: veluti aliàs quoq; huius nunquam satis laudati Regis consilij mentionem & memoriam recolare soleo, cum non tantummodo de me, sed & de tota re Astronomica hac ratione sit eximiè meritis, Quare univèrsam Posteritatem, ad quam (uti spero) huius rei vsufructus aliquando perveniet, Serenissimi & Optimi illius Regis nomen grata mente celebrare decet. Ex illius itaq; præstantissimi Regis decreto, atq; voluntate clementi, cum in dicta Insula ædificia Astronomico negotio apta solide & manificè à me construenda forent, elegi locum maxime in ea æditum (cum & tota Insula per se alte extaret) prope eius quasi meditullium, ubi Arcem ex ipso Cælo, cuius observationibus inservire deberet, denominatam, & Vraniburgum ob id dictam fundamentaliter construere aggressus sum, incipiensq; ab Anno 1576, successi vis temporibus eandem absolvi: cuius Orthographiam hinc secundum totam eiusdem formam & capacitatem, quantum in plano fieri potuit, representaram vides. Particularia vero, quæ in hac delineatione exponenda veniunt, in hunc modum le habent: quatenus literis, quæ peculiaribus locis annotatæ sunt, singula indicare datur: A. Domus præcipua in ipso meditullio totius capacitatis extructa, & per quatuor sua latera æquale quadratum efficiencia in 4. Mundi plagas exactissime vergens, ita ut dux turticulæ Meridie & Septentrione, ambæ vero valvæ Ortû & Occalium exquisitè respiciâr, E. Porta Orientalis opere rustico & Tuscano cõposita, D. Porta Occidentalis eodè opere elaborata, Habuerunt autè hæc binæ portæ superius duos Canes maiores Anglicanos excubitores in conventente domuncula, ut undiq; adventantes latratu indicarent. B. Officina Typographica, maiores domus Iææ in parva forma quodammodo referens. C. Domuncula pro ministris, etiam maiorem domum, quoad frontispiciam, & quædam alia representas. F. Interior valli saties. G. Exterior eius forma cum sua dispositione. N. Quatuor viæ versu ambas portas & utranq; domunculâ ducentes quæ in 4. Mundi plagas ad amulsum excurrunt. O. Quatuor ianux hortorû. M. Pergulæ quatuor in illis semicircularibus vallis amœnitatis gratia dispositæ. L. Horti herbarum & florum. H. Horti Arborum varij generis numero circiter trecentarum, &c. Atq; hæc est totius capacitatis descriptio. Habet autem valli ambitus figuram quadratam, in medio semicirculari intertextam, ut in antecedente designatione patet, Singula vero Quatrati latera continet pedes 300. Crassities valli fundamentalis est pedum viginti. Altitudo eius 22, pedum: Diameter vero semicircularis valli interior est pedum circiter nonaginta. Domus ipsa in medio sita, quæ etiam exactè, uti dixi quadrata est, habet in singulis lateribus circiter pedes 60. Altitudo Muri 45. pedum. Turres vero rotundæ à Meridie & Septentrione appositæ habent 22. pedes in Diametro, quibus ambitus exteriùs abhærentes addunt pedes 10. Porticus ab Oriente & Occidère inferius Quadrati habentis 5. pedes in quolibet latere, Tota altitudo domus à Terræ superficie usq; ad Pegalum supremum est pedum 75. Domus etiam ipsa quaqua versum patet, hypogæa habet ædificia, quorum profunditas est pedum 12. Imò & quædam alia sunt infra hæc, ista verò subterranea cum sint, hinc non representant ut utur multis consent discriminationibus, & in varios usus ordinata sint, quæ etiam magnis sumptibus, & pene non minoribus, quam superior domus pars, quæ ultra Terræ planitiem extat, ac sub diu patet, confecta sunt.

Præcipue verò huius domus in meditullio sitæ pleniorè designationem & expositionem nunc subiungè, quo omnia magis discrete pateant: atque ibi nonnulla eluberranneis, quæq; Cryptica sunt, quatenus fieri potest, atq; in plano talia imitari utuncq; conceditur, exhibebo. Nam omnia isthæc confecta, non solum inferius sed etiam exterius, ut ut domus hæc talia tamque multiplicia continere non facile crederetur recensere & nimis prolixum, & forte quibusdam tediosum foret.

*VRANIAE sacra domus, specula inclita Cæli
 Excelfo fundata loco, firmataq; vallis,
 Arboribusq; herbisq; tuis circumfita in hortis
 Quæ ter septenq; lustrasti cuncta per Annos
 Sidera, dum caput augustum sustollis Olympo
 Siccine spreta jaces? sic nunc orbata quiescis?
 Forsitan id superis visum, quibus Enthea curæ?
 Nè magna exiguis stringantur munera claustris,
 Sic volvunt variantque vices Terrestria quæq;
 Sit tibi laus soli qui Cælum et Sidera torques.*


ORTHOGRAFIA

PRÆCIPVÆ DOMVS ARCIS VRANIBV RGI IN
 INSVLA PORTHMI DANICI VENVSIA Vulgo HVENNA, ASTRONOMIÆ
 INSTAVRANDÆ GRATIA CIRCA ANNUM 1580, à TYCHONE BRA-
 HE EXÆDIFICATÆ,

ORTHOGRAFIA


PRAECIPVAE DOMVS
 INSVLA PORTHMI DANICI
 da gratia circa annum 1580
 exadi-

ARCIS VRANIBV RGI IN
 HVENNA Astronomia instauran-
 à TYCHONE BRAHE
 fiata



ICHNOGRAPHIA ET EIVS EXPLICATIO

A
 Ianua Orientalis. C. Oc-
 agulos rectos cõcurrentes,
 ut Canaculũ hybernũ siue hypo-
 cium angulo post fornacẽ parvũ
 rium spagyricum esset, in quo tũ
 promptius ad manus isthicoperi
 per in maius illud descendẽdũ
 leant rotans, qui aquas hinc inde
 tur. D. Canaculum illud hyber-
 nibus. L. Gradus pro ascensu in
 Coquina. K. Puteus comentitius
 hydraulico serviens et aquas
 per murũ tranjicites in singulas
 inferiores distribuẽs P. Gradus
 mcam T Bibliotheca. VV. Globus magnus Orchalcius num. exhibitus V. Quatuor Mense pro Studio sis, 4. Camini tam elabo-
 ratorio inferiori ascendentes, quam in quatuor anguis conclavium Y. Lecti in usdem conclavibus. hinc inde dispositi. Cetera
 actus inspector propria intentione facile discernet, intelligenda autem sunt hec omnia in ea quantitate, veluti fundamento ma-
 roris domus supra depictæ quadrare poterunt. Li. et hic coarctationis loci gratiã in duplo quasi minori forma exhibeantur.



cidental. O. Trãsticus 4. ad an-
 gũ tũ postea in tres redaũt sunt,
 caustum D. ampliaretur, atq; in
 quoddam et secretum laborato-
 quinq; distinctim erant furni, q
 Pyronomico inserviebãt, ne sem
 foret B. Fons equarium volubi-
 cum lubuit, in sublime eiacula-
 num. E. F. G. Camera pro hospi-
 superiorem contignationem. H
 40. ultras profundas, artificio
 per siphones hinc inde occulte
 Cameras tam superiores quam
 pro descensu in laboratoriu Chy-

HÆC maior & præcipua Arcis Vranburgicæ domus à me edificari cœpta est Anno 1576. Po-
 suitq; eius primū fundamentalem lapidem, Serenissimi & Potentissimi Galliarum Regis in Daniā
 plurimis Annis Legatus Magnificus Dominus CAROLVS DANZÆVS, vir integritate, vir
 tute & rerum usu nulli secundus, & Doctrinis insuper liberalibus præclare imbutus: qui cum me
 singulari & constanti amore, quam diu vixit (obijt enim ante Octennium ætatis anno Octuagesi-
 mo primo) prolecutus fuerit, mihi & meis rebus plurimum semper favebat, Et simul ac domum hæc construē-
 dam intellexit, se primum lapidem angularem isthuc collocaturum sponte addixit. Moxq; in Porphyrio quo-
 dam saxo verba sequentia excindituravit.

REGNANTE IN DANIA FRIDERICO II.


CAROLVS DANZÆVS AQVITANVS, R. G. I. D. L.
 DOMVI HVIC, PHILOSOPHIAE INPRIMISQVE
 ASTRORVM CONTEMPLATIONI REGIS DE-
 CRETO A NOBILI VIRO TYCHONE
 BRAHE DE KNVDSTRVP EXTRVCTÆ
 VOTIVVM HVNC LAPIDEM MEMORIAE
 ET FELICIS AVSPICII ERGO P.

ANNO 612. 12. LXXVI. VI. ID. AVG VSTI.


Cum verò dies is, foundationi destinatus, instaret, accessit optimus ille Danæus, comitatus aliquos Nobilib;
 viris, tum quoq; quibusdā doctis ex amicis cōnibus, qui huic actui interessent; & die octavo Augusti mane ex-
 oriente Sole una cū sup. iuxta cor Ω , Lunā occidū cardinē in ω occupante, in omniū nostrum præsentia lapidē
 eundem locavit, litando prius solemniter vinis diversis, & sauta quæq; precando, suffragantib; ijs, qui circum
 stabant amicis. Constitutus autem est hic lapis in agulo domus orientali versus Notapelioten, velut in apposi-
 ta figuratōne iuxta literam F. exprimitur. Postmodum tota domus extrui cœpit, & successivis annis absol-
 ta est, utut nō pauca aut levis interea obreperint difficultates & remora, de quib; itā nō attinet dicere. Explica-
 tio vero Orthographiæ eiusdē domus hęc assignatæ ita se habet; A. Ianua Orientalis ex Ionico & Dorico opere cō-
 posita B. Cœnaculū hybernū, F. Lapis ille, cuius memini, fundamētalis, quē posuit dictus Legatus Gallicus, G. & H.
 Fenestræ cellæ subterraneæ, C. Camera pro hospitiū. Suntq; versus occasum duæ similes, M. Musæum cum bi-
 bliotheca, I. Laboratorum chymicum subterraneū & rotundum, continens 16. varias fornaces Arti Spagyrī-
 cæ destinatas, l. Foramen per quod demittuntur carbones pro laborib; Pyronomicis, Z. Cella subterranea pro
 reponendis lignis, q. Coquina, D. Camera vocata rubea, & Camera flava octogonalis, E. Camera Cærulea. His
 trib; respondet versus occasum Cœnaculum maius æstivum viridiri colore, & in Tabulato herbarum præci-
 puarum picturis exornatum, unde Navium, æstivo præsertim tempore præternavigantium ingens numerus
 iucundē prospicitur. X. Fenestræ superioris contignationis, O. Observatorium maius Meridionale, aliquot in-
 signos & maiores machinas Astronomicas continens, præsertim Semicirculum Azimuthalem, Regulas Pro-
 lemaicas, Sextantem Orichalcicum pro Alitudinib; capiendis, Quadrantem Orichalcicum mediocrem Azi-
 muthalem; quæ suo loco superius & repræsentata, & exposita sunt, nisi: sicut numero 8. 9. 4. 3. retinendo vide-
 licet eundem ordinem, quo hic recensentur Instrumenta. Quod & in sequentib; (ubi opus) intelligendū, P. Glo-
 bus quidam cui imponitur Instrumentum inter observandum distantias Stellarum, ut fulcri loco sit, quo in co-
 ad omnes plagas convolvi possit, qualis etiam depingitur superius apud Sextantem, num. 16. Huic similis ver-
 sus occasum responder, Q. Ambitus Octogonalis, in quo situs est Globus prædictus. N. Observatorium mi-
 nus Meridionale Armillas Æquatorias capiens undiquaquam Orichalcicas num. 13. indicatas, VV. Descen-
 sus in laboratorium & ascensus in Observatorium, R. Observatorium maius Septentrionale, aliquot etiam
 magnis Instrumentis refertum, utpot; Regulis sive Parallaticis maiore Orichalcicis, quod in muri circumfer-
 rentia Azimutha etiam monstraret num. 10. explanato, Erat quoq; in eadem Turri Sextans per unicum Ob-
 servatorem distantias præbens; & Arcus ille bipartitus, atq; illud Instrumentum cuius in observanda novā
 scellā olim usus erat: quæ tria antea numeris 17. & 15. exponuntur. Conservabatur et ibidem Parallaticum
 quoddam ligneum à magno illo Copernico quoddam in ulu habitum & mihi VVarmia dono missum: Cuius
 suo loco mentionem feci, S. Observatorium minus Septentrionale, alias Armillas Æquatorias cōmens nu. 11.
 delineatas, T. Alius Globus similis priori fulcri loco imponendis Sextantib; intervies, cui et verius occasum si-
 milis respondet. In loco autem superiore ipsius domus, ubi fenestra rotundæ videntur, octona cubiula sunt p
 Studiosis. Suprema Camera Octogonalis proximē infra cuspidē domus, ex qua undiq; patet pīpectus habens
 in circuitu ambitum, quem Galleriā vocant supra ipsum tectum, 77. Structuræ Octogonales, in quib; imagines
 exciitæ 4. Anni partes referentes, cōspiciuntur, 88. Septem Camini in unū desinentes versus austrū, & alij septē
 versus Boream, ita ut omnes Camini totius domus in duob; locis distinctim concurrant, N. Horologium, cuius
 cāpana s. superius pender, λ. Pegasus auratus, qui versatilis indice, infra tabulatū supremæ Cameræ ostēdit, vn-
 dit, vnde venti spirēt. Ibi p alius index in eodē cento volubilis horas mōstrat. Talis est exterior facies domus, si
 ve ab Oriente sive ab Occasu spectetur, & si Meridionalem partem quis cum Septentrionali conferat, eandem
 et inveniet formam, ita ut omnia sibi invicē corresponsdeant, & cōpetente Symmetriā cōstent, prout in Archi-
 tectonicis, si artificiose et debito modo conficienda sunt, requiritur. Quin & subterranea, quæ punctatis lineolis
 inferius conspiciuntur, sic sunt accipienda: Infra Turrim Australe quicquid cernitur, laboratorii Pyronomicū,
 quoad fieri potuit, exprimit; ubi 1. Mensa est retunda in eius medietate sita: in qua reponantur ea, quæ præpar-
 anda sunt, Numerus 2. furnos varij generis circumcirca dispositos utuncq; repræsentat, Erantq; num. 16. Tria
 balnea diversimoda Vnus digestorius in cinerib; quatuor magni athanores, duo parvi, duo furni destillatorij
 in arenā vel cinerib; Vnus pro vesicā magna, duplicib; canalib; adaptatā, Alius secretus furnus cū lampadib;
 Duo reverberatorij furni, quorum unus in directum, alter per lineā Helicam tam aperte quam clausē rever-
 berabat, Eratq; maior fornacum pars ē lapidib; scilicet lib; ē Norvagia allata, quas Bergenses vocant: siquidē hi
 ignem fortissimum sustinent, & affabre elaporati queant. Sed singula quæ in hoc erāt laboratorio, si ex ponēda
 forēt, nō paucis absolventur. Quæ infra ipsam maiore domum designata sunt, Cellæ, repositoria, & penurā
 dicans subterranea, Vbi ianux per quas hic inde sic ingressus nu. 3. Columnæ autem sustentaculi loco disposi-
 tæ nu. 4. notantur, Sub Bore ali Turri iuxta nu. 5. puteus ille Cementitius cernitur 40. ulnas profundus: cuius
 postea in Ichnographia ulterius sit menti; Numero 6. Cistæ sunt Cementitiæ, in quibus edulia quædam conser-
 vabantur. Cætera partim figura exprimit, partim subintelligenda veniunt.



ORTHOGRAPHIA STELLÆBVRGI GI EXTRA ARCEM VRANIÆ SITI.



ICHTNOGRAPHIA STELLÆBURGI.



STELLÆBURGI EXPLICATIO.



Ess in ipsa principaliore Arcis domo Turres versus Austrum & Septentrionem constitutæ, cum suis appendicibus hinc inde extantibus pro non paucis Instrumentis utut amplis isthic commode disponendis sufficerent, tamen cum successivè certis de causis plura adhuc confieri curarem, quæ non satis competenter istis continerentur spaciis, ut unicuilibet suus usus sine alterius obstaculo constaret, postmodum circa Annum 1584. in colle quodam extra Arcem versus Meridiem 70. circiter passibus minoribus à vallo remoto Observatorium quoddam subterraneum Cryptis diversis è solidido muro ab imo ad summum extructis confieri feci labore & sumptu non modico, partim ut in eo quædam ex præcipuis Instrumentis rutò & firmiter disponerem, nè ab ullis ventis quidpiam disturbarentur, atq; commodius usui inserverem, partim ut Studiosos meos, cum plures adessent à se invicem distingerem, & quibusdam in ipsa Arce, quibusdam verò in hisce Cryptis observationes exequendas præmonstrarem, nè sibi invicem impedimento forent, aut observata priusquam vellem, inter se conferrent. Appellavi autem hoc Observatorium Danica lingua **Stjernburg** quod & Germanis ferè idem, Latinæ **Stellæburgum** sonat. Cuius formam & Orthographiam unâ cum sua Ichnographia hic vides. Quorum explicatio brevibus indicata hæc est. **A.** Portale ex Ionico opere compositum, per quod fit descensus in Cryptas huius Observatorij, superius habens tres Leones Coronatos affabrè excisos, & hinc inde lapides Porphyrios, qui inscriptiones convenientes primo libro Epistolarum Astronomicarum, in eo loco, ubi de hoc Observatorio Cryptico agitur, inseratas exhibent, quas nimis longum foret hic repetere. Posteriorem tamen quæ universalior est, mox dabimus. **B.** rotundum laquearium, sub quo hypocaustum, in quod undiq; è Cryptis ingressus patet. **C.** Crypta pro Armillis Aquatorii maioribus num. 14. delineatis. **D.** Crypta pro Quadrante magno volubili appellato num. 6. antea expresso. **E.** Crypta pro Armillis Zodiacalibus num. 11. expositis. **F.** Crypta pro magno Quadrato Geometrico Chalybeum interius Quadrantem continente, num. 7. signato. **G.** Crypta pro Sextante Quadraticubitali in suo sulcro & Globo convolubili qui numero 16. representatur. Hæc quoad Cryptas ipsas breviter indicata sint. Inscriptio autem, de qua dixi, ab alterâ parte Portalis versus Meridiem in lapide Porphyrio aureis literis insignita talis est:

D. O. M. POSTERITATI QVE SACRVM.

ASTRONOMIAM scientiarum omnium antiquissimam & præstantissimam diu quidem multumque cultam, nondum tamen satis solide constitutam, aut à mendis vindicatum animam vertens, & instauranda perficiendæque varia eadem exacta adinvenit construxitque organa, ad omnimodas celestium corporum observationes sufficientia, labore, diligentia, impendio que incredibili, que partim proxima eandem ob causam ex edificata arce **VRANIBURGO**, partim hisce Cryptis ad constantiorem & oportuniorem usum disposuit, tibiq; O inclita omni ævo succensura posteritas hunc thesaurum rarissimum & pretiosissimum commendans, dicans, consecrans, ut in æterni **DEI**, admirandæ celestis machine opificis gloriam, artificis divinæ propagationem, ac patriæ honorem, perpetuo conserves, nec vetustate, aliq; incommodo collesbassere, aut aliorum transferri, vel quocunq; modo violari sinas: si nihil aliud, auctoris saltem uniuersi vindicem reverens oculum.

Qui ea cuncta in hac insula & inchoavit & absolvit, hoc monumento posito te rogat & obtestatur,

TYCHO BRAHE O. F.

HAVE QUI HÆC LEGIS FACISQVE, ET VALE.

Exterius in arca huius capacitatis Stellæburgicæ columnæ lapidæ **H. I.** utrinq; ad Ortum & Occalum dispositæ, pro Regulis Ptolemaicis imponendis, quàm Armillis minoribus portatilibus, quando requiritur, sustinendis. **K. L. N. O.** Globi fulcris suis incumbentes, & dicta arca nonnunquam dispositi, ut ipsi Sextantes ad quemcunq; Stellarum firmum collimandum reclinentur. **M.** Mensa lapidea & rotunda, Quadranti portatili, & aliis minoribus instrumentis in ea, cum libuerit, constituendis, ut Observationibus commode inservant, destinata. Reliqua oculus & intelligens considerator per se animadvertet.

ICHNOGRAPHIÆ EXPOSITIO.

A Vestibulum quo per Gradus Observatorium subintratur. **B.** Hypocaustum quadratum. **C.** Crypta pro Armillis maximis Aquatorii. **D.** pro Quadrante Volubili. **E.** Pro Armillis Zodiacalibus. **F.** Pro Quadrante Chalybeo magno habente exterius Quadratum Geometricum etiam Chalybeum. **G.** Pro Sextante Quadraticubitali Globo suo convolubili imposito. **H. H.** Columnæ lapidæ ad occiduum plagam dispositæ. **I. I.** Aliæ columnæ lapidæ Orientem versus locatæ. **K. L. N. T.** Globi fulcris Sextantibus Astronomicis extrâ positi. **M.** Mensa rotunda saxea. **O.** Lectus, in quo aliquando inter observandum mihi requiescere liceret, si fortè continua ob nubium interventum non concedere serenitas. **Q.** Alius similis & amplior in eundem usum pro Studiosis. **P.** fornax. **V.** Mensa. **S.** initium subterranei meatus quem infra vallum atq; hortum in Arcem aliquando inq; laboratorium Pyronomicum deducere animus erat, inchoatus enim est; sed non absolutus. Exterior arca cum sua Galleria habet in quolibet sui quadrati latere: quatuor Mundi plagas respicietes pedes septuaginta. Diameter verò semicirculi medio loco intercepti est pedum viginti quatuor. In duobus autem Angulis huius quadratæ arce versus Notapelioten & Notolybicum Thecæ quædam oportune sunt. In quibus maius illud Instrumentum Semicirculare, quo distantie siderum ultra Quadrantè capiuntur, cuius delineatio non est inter alia Instrumenta exhibita: Sed post ea brevibus saltem indicata, tum quoq; Sextantes alij, similiaq; Organa mobilia, quorum usus non semper requiritur, facta tecta conservabantur, quemadmodum etiam ad angulos Borrhapelioten & Porolybicum quædam alia suo tempore disponere constitueram. Hæc breviter de structuris hisce Crypticis dicta sint. Quæ si omnia sigillatim explanare vellem, proluxa opus foret descriptione. Quæ in super Carmina hinc inde in eisdem Cryptis aureis literis assignavimus, idem libere primus Epistolarum exhibet: ut eadem hic revocare non sit operæ pretium.

Atq; hæc de ædificiis Astronomicis sit indicasse satis. Licet verò Insulam celebris Porthmi Danici, in qua hæc extruximus, hic apponere non fuerit animus, tamen quia æditi & scorsim constituti loci mentionem feci & quoniam hæc ipsa Insula iam antea in quarto Tomo Theatri Urbium à Clar. viro Dno, Georgio Brauno expressa est, licet non satis appositè incuria pictoris, idcirco eam hic paulò exactius exhibendam duxi.

MERIDIES.

SEPTENTRIO.



EXPLICATIO HVIVSTO POGRAPIHÆ.

Constituitur hæc Insula in celeberrimo freto inclyti Regni Daniæ, quod Scania dividit à Zelandiâ, & videt Metropolim Hassniam versus Lybanorium in distantia trium milliarum, Helsingorâ, ubi Telonium est Regiû versus Circiû in remotione duorû milliarû, quæ duo in Zelandia sunt; Helsingburgo, quod exacte versus Septentrionem est, etiam duobus distat, Landscronia versus Eurum saltem unico, quæ duo in Scania sita sunt. Estq; Insulâ per se admodum alta, ac si quis in montem aliquem ascenderet, superius tamen tota plana, habetq; in circuitu 8160. passus maiores circa eius medietatem, ubi Arcem Vraniburgum ex ædificavi, Poli elevatio; si ve, quod idem est, latitudo ab Æquatore G. 55. M. 54. summa accuratiorne a nobis læpius est deprehensa. Longitudinem eius assumpsimus partium 36. M. 45. habito nimirâ respectu differentie Meridianorum, quibus usi sunt Ptolemæus & Copernicus ac huius qua fieri potuit, diligentia quemadmodû in hac quadrata quoq; figuratione Insulæ delinationem, cõprehendente, hæc in unius Gradus Minutijs secundis subdivisa sunt, Cetera quæ in ipsa Insula cernuntur, sic intelligenda: A. Arx Vraniburgum, B. Strellæburgû, C. Prædium Oeconomiz destinatum, D. Officina artificum, Astronomica Instrumenta, & alia fabricantium, E. Mola alata, F. Pagus 40. circiter rusticorum habitationes continens, G. Moletrina papyro conficiendæ interserviens, si mulq; frumentum terens, & insuper pelles varias præparans: quæ tria opera unica eademq; maxima rota tam simul quâ disjunctim perficit, H. Templum, I. Forum iudiciale Rusticorum, K. L. M. Piscinæ maiores quarû L. Moletrinae appropriata profundæ altitudinis est, & aggere incredibilis molis fundata, ut aquarû in copia, moletrinae interservientium sit receptaculum, Hæ reliquæq; piscinæ 60. circiter numero magnam copiam piscium diversi generis continent, in usum dictæ moletrinae facili negotio, quando opus fuerit pro maiori parte exoneratur, O. Pratum palustre, ainis aliquod assurgens, T. Pascua arbutis nonnullis in locis consita, N. Sylva Corylorum littore Boreo opacata, P. Q. R. S. vestigia 4. Arcium, quæ ibi olim extiterunt, Hanc Insulam cum laudatissime memoriz Rex Fridericus II. mihi ad vitâ concessisset, idque literis in membrana datis confirmasset, quo isthic Astronomica competente otio peragerem (veluti & prius quoq; inuimus) ingentes labores & sumptus in eam expendi, ut optimi illius Regis voluntati & Patriæ honori interservirem, non solum ædificijs splendidis & solidis in eâ, prout indicatum est extructis; sed & aquis quam plurimis (ubi nihil tale antea erat) hinc inde coacervatis, quo moletrinam Papyro parandæ idoneam unâ isthic ad litus maris constituerem, quæ papyrum Typographiæ meæ ibidem excultæ suppeditaret, ne è Germania non sine difficultate conquirenda foret.

INSVMPSI autem in hæc omnia ultra tonnam auri Quæcunq; enim si ve è beneficijs Regis, si ve proprijs reditibus annuis coquirere licuit, in eos usus expendebam; Vt de molestiis & laboribus, ingentibus, quos isthic per annos 21. sustinui, nihil addâ. Ex his & alijs quivis cordatus facile estimare poterit, me non nisi gravissimis de causis, præsertim in hanc quinquagenariâ ætate, & magna familiaræ copia Insulam tantæ constantæ, unaq; Patriam dulcissimam inq; ea sanguine iunctos atq; Amicos quam plurimos deseruisse. Quæ vero, quantaq; me ad hoc impulerint, volens hic subiceo. Interim Serenissimum Regem meum Christianum IV. Dn. Clem. qui laudatissime memoriz Patri Friderico Regi horum isthic fundatori & promotori nuper successit, lubens exculatû habeo. Neque enim ambigo, si tempestive & sufficienter, quæ hoc negotium Regno fortassis non in honorificum concernit, ipsi proposita fuissent, quin pro ea qua est Heroica Natura & ingenio perspicaci, generosiq; animo, & ad ingenuas Artes propenso excellenter peditus; hæc Regibus dignissima studia Clementer & liberaliter in suo Regno conservaturus ac perpetuaturus fuisset. Sed forte sic erat in latis, quò Astronomiz restauratio latius promulgaretur, atq; universalior reddetur. Quin & hoc quivis facile secum perpendet, quam serio & enixe Astronomiz restauratio nobis cordi sit, cum tot labores atque impensas, tot conturbationes & adversitates eius causa fortiter ferre voluerim; adeo ut ne Patriam quidem ac tharissimâ queq; derelinquere dubitarim.


TANTVS AMOR NOBIS ASTRORVM EXPANGERE NORMAS.



Iquidem in superioribus, cum de Instrumentis agerem, subdivisionem transversalem atq; dioptras non figuris expresseram, quod esse tam cito in promptu non essent, lubet id ipsum, quo negotium hoc rectius intelligatur, hic subiungere. Divisionis itaq; puncta habentis transversalia modus talis est, ut hæc exprimitur figura, in qua singula dena minura per lineolas in decem interstitia equalia discriminatim punctis notata sunt, sicq; regula fiduciae quodcunque horum inter observandum transiens ipsum minimum gradus, quod quærebatur promittit, aut aliquotam eius partem, pro ut ab hoc vel illo puncto removeri discernitur. Hanc autem



Lipsiæ in adolescentia didici, rectilineis quidem Parallelogrammis, quibus etiam proprie convenit, accommodam: Quam tamen postea arcubus in Instrumentis meis satis appositè applicui, quemadmodum ante decennium in libro nostro de Cometa Anni 1577, circa calcem pagina 461. his verbis innui: *Licet enim eius demonstratio rectilineis Parallelogrammis propriè conveniat, nihilominus arcuibus etiam lineis in tam exili interstitio, quod à recta linea insensibiliter differt, citra omne erroris vestigium convenienter applicatur.* Ut vero hoc etiam demonstratum hic addam, ob sciolos forte



quoidam, qui ea, quæ non satis capiunt, carpunt, sic habe. In assignata figura A, fit centrum Instrumenti, eiusq; semidiameter A, O, assumitur autem O, I, particula in qua divisio ista per lineas transversas fit ea proportione, quæ est 1, ad 48. qualis in meis Instrumentis ut plurimum usurpatur. Cumq; A, I. ponatur partium 10000000000. integri Canonis majoris Rhetici, erit eandem O, I. 208333333 utpote pars quadragesima octava Radii, Arcus I, E, sit 20, 1 & I, V, 10, 1, horum sinus 29089779. Y, I. Sinus autem secundus eorundem 42308. V, Y, qui additus N, V, quod æquale est O, I, facit N, Y. 208375641. in triangulo igitur N, Y, I. ad Y, rectangulo, nota sunt duo latera N, Y. & Y, I. quare datur Basis I, N. 210396208 una cum angulo N, I, Y. 82. P. 3. 10. 11. 47. 111. Cui additus Y, I, A. 89. P. 50. 1. Conficit N, I, A. 171. P. 53. 1. 10. 11. 47. 111. Basis vero N, I. in triangulo rectangulo N, Y, I. dividatur in decem partes æquales, ut convenienti uni minuto 21039621. representatæ per I, B. moxq; in triangulo obliquangulo B, I, A. dantur duo latera I, B. & I, A. Radius, unà cum angulo B, I, A, qui idem est cum angulo N, I, A. 171. P. 53. 1. 10. 11. 47. 111. prius reperto: quare innotescit angelus I, A, B. 1. 1. 11. 7. 111. qui tantummodo 1. 1. esse deberet, ita ut eo maior sit saltem 1. 1. 7. 111. differentia sanè insensibili. Similiter si F, I. assumatur novè particularū erunt ex 18936587. habebimusq; rursus triangulum F, I, A. in quo dantur duo latera F, I. modo dictum, unà cum Radio I, A. & angulo F, I, A. ab eisdem comprehenso, vel ut antea; exurgitq; angulus I, A, F. 9. 1. 1. 6. 111. qui debebat esse 9. 1. exactè, deficiente

in ultimo minuto F, N. 1. 1. 6. 111. Porro ut circa medium idem tentetur quod nunc apud extremitates fecimus, inveniuntur eadem ratione qua antea primò angulus I, A, H. 5. 1. 3. 11. 6. 111. abundans 3. 11. 6. 111. Secundò angelus N, A, H. 4. 1. 5. 6. 11. 55. 111. deficiens 3. 11. 5. 111. Patet itaq; quod maxima differentia sive adiectiva sive ablactiva in hac pragmateia proveniat minimum quid ultra 3. 11. quam subtilitatè visus acumen discernere, in quocunque tandem Instrumento nulla tenus sustinet, quæ etiam per se otiosa est, quare frustra nodum in scirpo quærent, si qui hanc nostram satis accuratam distributionis formam cavillari præsumant: Quin & in quibusdam præsertim maioribus Instrumentis, ubi Radius longior est, subdivisionem hanc per quina solummodo minuta exequi solemus, ideoque differentiola illa, de qua agitur, adhuc magis insensibilis evadit, quod sic ostendere præposuimus.



Pinnacidiorum seu Dioptrarum hanc adinvenimus usui maximè aptam rationem, ut rimulæ in inferiori & oculo proximo pinnacidio fiant quatuor circa omnia eius latera, quæ superiori præcisè sint analogæ, eiusq; quatuor lateribus, respectu lineæ fiduciae, æque distent & respondeant, quemadmodum in apposita figura, quantum in plano fieri potuit, representatum vides, ubi A, B, C, D, antè illud pinnacidium & oculo observatoris admotum designat; alterum autem E, F, G, H, quod remotum est, ad Instrumenti circumferentiam; I, regulam notat, cui hæc pinnacidia cõperentur & ad angulos rectos affixa sunt. Oportebit vero Pinnacidium F, G, H, E. omnino æquale esse alteri B, C, D, A. Quæ vero inferiori à tribus lateribus applicatur Pinnulæ, ea parte qua huic proximæ sunt rectilineæ, per fibulas quasdam ad ipsam Pinnacidium comprimi aut relaxari possunt, ita ut rimulas apud hoc efficiant undiq; quæ æquales, quas etiam pro ut usus postulat ampliare aut coarctare licebit. Idq; peculiari quodam ab altera & interiori Pinnacidij parte artificio, per unicam cochleam circumactam præstari potest, ita ut omnes rimulæ simul æqualiter & uniformi ductu absq; labore aut temporis iactura relaxentur aut restringantur. Quarta rimula quæ est in ea parte Pinnacidij quæ regulæ adhæret incilla perpetuò sic manet, quæ representatur paulò supra B, A. cui à plano regulæ æquidistans alia rimula cernitur in superiori Pinnacidio prope F, E. Licet interior illa non minus quam reliquæ tres antedictæ pauculo saltem applicato additamento competentèr etiam minui atq; augeri queat, prout opus fuerit. V S V S est in altitudinibus siderum capis endis, ut sublata vel depressa Regula I, donec stella per rimulam D, A. cernatur in lateri alterius Pinnacidij, A, E, atq; eodem instanti tantundem quoq; de ea videatur per rimulam B, C, iuxta aliud latus G, F. tunc enim non dubium est, centram & exactam ipsius stellæ factam esse collimationem. Si vero Azimutha unà obtinere lubet, per aliam rimulam iuxta C, D. ad latus antè G, H. est attendendum, & unà per rimulam G, H. apud alteram

alteram F. E. atque sic in stellis promptissima instituitur observatio. In Sole autem per foramen rotundum superioris Pinnacidij Intra missi radij ab interiori parte inferioris orbem quendam isthic designatum, pro quantitate luminis, quod per illud foramen Sol efficit, undiquaq; complentes, ea quæ inquiruntur præbent. Notandum insuper quod in quibusdam Instrumentis illud Pinnacidium, quod ab oculo remotum est, Cylindrica constat forma, sicq; res eodem redit, nisi quod in Sole umbra Cylindri animadvertenda sit; sic etiam in armillis axem quendam teretem applicamus, ut circa ipsum undiq; fieri possit collimatio, habent enim & Cylindri & axes teretes id præcipue commodi, quod non saltem uni sed duobus etiam observatoribus sufficiant, Cætera figura ipsa, vel potius Instrumentorum talium exercitatio plenius edocebit,

Hunc per rimulas æquidistantes alteri Pinnacidio observationis modum ipsa me docuit necessitas: Et enim per foramina more alias usitato stellæ difficilimè in eo præsertim quod maxime ab oculo remotum est perspiciuntur, nisi satis amplum fuerit: Et si hoc concedatur, aliquota particula gradus amitti potest, siquidem nescitur an planè Centralis fiat collimatio, quod sanè miror ab antecedentibus Astronomis non esse animadvertum, atque huic incommoaliter provisum. Cùm quidam insignis Mathematicus ante aliquot annos Instrumentorum meorum spectandi gratia me longinquo veniens itinere invisisset, atq; hanc per rimulas sic dispositas sidera quàm commodissimè denotandi viam inspexisset, præ gaudio exiit asserens se nunc rem accepisse, quàm multis annis prius incassum anhelarat, seq; vel eo nomine non frustra in Daniam venisse sibi congratulabatur: Hancq; postea Castellæ veniens, Landgravians utuncq; applicuit organis, uti etiam divisionis per puncta transversalia modum, quemadmodum in Tomo primo Epistolarum Astronomicarum ex literis inter laudatissimæ memoriæ VVilhelmum Landgravium ejusq; Mathematicum & me commutatis, suo loco liquet. Atq; hæc tam de Pinnacidij, quàm divisionis formâ sic indicasse sufficiat,



Ad

TYCHONEM BRAHEVM DN.

de KNVDSTRVP, ASTRONOMVM PRINCIPEM,
Ode Tricolos Tetraſtrophos.



Omnis olim dum tumidos Getas
 Inſeſtat armis, aut mare ponticum,
 Gangeq; miles, inque Mædos
 Fert aquilas & acuta pila:
 Nullo potentem ſtare diu loco
 Strinxere diuam compeſe, ne feros
 Viſens Gelonos, aut ſagittâ
 Conſpicuos inimica Parthos;
 Ludo inſolenti ferret in arduam,
 Verſis ad imam Rimulidis rotam,
 Sic ferreo alligata vinco &
 Præpetibus viduata pennis
 Victoria, olim Cecropios lares
 Coeſta ſorvit, Quis Tyrio loyem
 Stetiſſe neſcit alligatum
 Compete, purpureas ad aras?
 Lixior venenum tabificum inimis
 Serpens medullis, cuncta ſibi ſerens
 Nil alteri; caeſte numen
 Poſſe coli populos per omnes
 Invidit, At non Dania Balthici
 Superba ſramatrix pelagi cluens:
 Non illa (quamvis juſtior)
 Te poterat tenuſſe vinco
 O TYCHO tandem Teuthonicis dard
 Invidi; oris. Tu patriæ tuæ
 Nomen perennando, per omnes
 Conſpicuum volitare gentes
 Sollers dediſti: Quisquis enim tuo
 Ductu eruditus per vagæ ſidera
 Cælique inextricata quondam
 Regna, oculos antinumq; voluit.
 Et juſtiori tramite certior
 Deſignet, ecquid terrifici ferant
 Mundo Cometa: quis polorum
 Sit poſitus, varienq; fata:
 Sive ille latam Theuthonia incolat,
 Vel Gallie eram, ſeu veteres Quados
 Bohemianq; & Marcomannos
 Heſperiove utriuſq; regna:
 Votiva gratus carmina ſe tibi
 Debere dicet, dicet amabili
 Peane te paſſim iuuentus
 Vranie ſtudio & Matheſi
 Devota. Nam te liberior duce
 Stagyre alumnum plurima perpetim
 Victura, tradiſſe chartis;
 Multa tamen quoque neſciſſe
 Diſiudicabit, Projiciens vetus
 Glaucoma quo ſe ſegnities, ſvelut
 Autoritate ſaſcinatam,
 In veterum placitis tuetur.
 Quinimmo quodquod præcipites lucrâ
 Agit cupito, navis fragis ratem
 Committere undis, & Guineæ
 Auriferos petiſſe tractus:

Quem Luſitanis ire tremibus
 Ad Calecti ditis arom ætium
 Portus, in eoſq; China
 Quinzaidem Iaponenq; cogit,
 Sic ipſe ductu dum melius tuo
 Scrutatur aſtra & per mare certior
 Decurrit, ignoto vetuſtis
 Tramite, dum meritas laboris
 Grato elocutus murmure gratias
 Tibi repenti, Tum Daniam quoque
 Honorate altricem, imo matrem:
 Te loquitur FRIDERICE, Regum
 Longo micantem ſyrmate: Te canit
 Foſiſſe regno (non genitum love
 Tyrinthium, cervice cuius
 Firmior axis uterque mundi
 Pependit olim, cum Iapeto ſatus
 Deſeſſa ſolvit colla vicario)
 Aſt huc qui inobſervata ſigna, &
 Perpetuos ſine lege certâ
 Frænavit orbes. Qui ſuper igneas
 Deſeſtus arces dotibus ingeni,
 Conſpexit in quo fixus orbe
 Conſpiceret ſua ſingna Phæbus,
 Phœbeq; . Ut illis machina terra
 Vtriuſque centrum præbeat, ut Venus
 Cyllenium ſecuta ſidus,
 Ambiat igni vomas quadrigas
 Majore gyro. Martis ut orbitam
 Iovisq; curram & tardiſſi gradis
 Cen cordis inſtar atque centri,
 Eſt heræ moderetur arte
 Caeleſtium Sol arbiter orbium
 Mundiq; rex. Ut jam neq; dogmata
 Copernicæ, nec tui nos
 Detineant Ptolomæ cycli,
 Sunt forte qui Danmarchica Martiis
 Orient tropheis regna, & adoreis,
 Sunt forte qui regem decorent
 Conſilioq; manuq; promi:
 At TYCHO die mentis acumine
 Pridem exulantes Vranie choros,
 Atque aſtra devocata celo,
 Arte tuâ FRIDERICE regnâ
 Incluſit audax: Nominis hic tui
 Sceptriq; famam ſupra hominum genus
 Mortale, deduxit per omnes
 Limitis ætherei meatus.
 Qui poſſe credat? TYCHO tuis dediſt,
 Terreſtre cælum (ſit mihi ſas novâ
 Miraculum explicare voce)
 Ille omnium imperiumq; Olympo
 Inquavit. Et que plura ſecrebitur
 Gratus labori quisquis erit, ſacris
 Non invidenti felle tuſtus
 Vranies operatus aris.

Nec nostra te Germania lividas
 Obliviones carpere perferet
 Ingrata : Nam tui videndi
 Dum nimium studiosa, septem
 Abisse quæsta est diu trieterides,
 Post vota tandem te sibi redditum
 Blande salutans, absit, inquit,
 Non sine Dijs mihi missus hospes,
 Sat te rigentis frigora Balthica
 Tulisse mundo condolet exulem :
 Sat algido datum Trionis,
 Et Boreæ male pertinacæ
 Fovere sacros Vranie lares
 Adsis secundo numine, & hoc tui
 Vultus jubar serenioris
 Exere Teuthonicas per urbes.
 Laboriosum non ita Vlyssæa
 Latata vidit penelope, aut puer,
 Qui primis agnovit parentem
 Telemachus, trepidæq; matres;
 Ut nostra te Germania in hoc suum
 Venisse regum gaudet, ubi tuæ
 illustre virtuti theatrum, &
 Debitus ingenio patronus.
 Cum te RVDOLPHI Cesaris audiet
 Permista Majestate benignitas,
 E patriâ hanc considerante
 Tanta sui monumenta honoris,
 Cessisse, tecumq; Vranie chorum :
 Nitetur ulro hanc laureolem suis
 Iunxisse Sceptris, & triumphis,
 Teq; tuasq; fovēbit artes
 Vultu benigno, Scimus ut Austriæ;
 Prognata exlo progenies simul
 Musasq; ferratunq; Mariem
 Temporibus generosa utris;
 Conjungat : ut mox Threici ducis
 Fastum insolentem milite contudit
 Lenire dum querit labores,
 Vranies recreetur hortis.
 Mecum Viennæ culta Academia
 Laudabit Albertos geminos; patrem
 Natumque, qui sacro calentem
 Igne animum super alta vexit
 Devotus astra, ùde ASTRONOMI tui
 Cognomen. Eræsti sileam genus
 Te Friderice, longa gentis
 Gloria, Teuthonicæq; Sceptri;
 Sub hoc patrono Regiomontius
 Fulsit Iohannes Vranie decus :
 Quem Parca, fatalisq; Ilvor
 Morte nimis properata ademptum
 Terris removit Ille triangulos,
 Ille ex politam Mechanicæ dedit :
 Quin Noriberga fabricantem
 Obstupuit, stupuitq; Cesar,
 Agreste lignum dum medio aspiciit
 Volare caelo. Credite posteri,
 Fugisse cum nato parentem
 Gnosiacis per inane claustris.


Quid Dædalæ non facient manus?
 Mensq; illa sacro cocta scientia
 Phæbo, cui divinioris
 Particulam genij Prometheus
 Cælestis indit! Omnium, TYCHO,
 Beata tellus, quæ ingenij tui
 Miracula, atque artes videbit
 Pyronomas, Medicamq; dextræ
 Morbos in arces. Tu Vranie quidem
 Princeps catervæ; nec minus omnium
 Scientiarumq; artiumq;
 Nobilium studio expositus.
 O ille felix, cui dabitur tuo
 Ab ore terreni harmoniam globi
 Conferre caelo! ut hic & illis
 Sidera, sintq; sui Planeta,
 Vtriq; mundo. Tu Chymici & potent
 Arte & metallis, lamificas deas
 Producere incidata vite
 Stamina, tu vacuum Charontis
 Tranare cymbam sepe jubes. Tibi
 Narvagie quos frigora, & horridi
 Premunt Triones, atque regna
 Danica cum Suenos rependēnt
 Grates merenti (Si quæ tamen bonis
 Forsan rependent secula gratiam,
 Livorq; permittat tuo te
 Pro meritis cumulari honoris,
 Te Sontici Tertare simul
 Gement podagre mancipia, undiq;
 Te tabe consumi querentur
 E patrijs abisse regnis
 Fletu madantes. Nos tamen hinc tibi
 Congratulantes concinimus melos
 Votivum, & optata intuemur
 Ora, manusque diu cupites
 Exosculamur. Vos diadematis
 Septem columna Cesaris, ô duces
 Regesque, quos cælestis ardo
 Igne coquit generosiore :
 Scientiarum vos ego nomine
 Compello, inecumque Vranie chorum :
 Et tota hiantidum corona
 Aspicio reparanda vestro,
 Opem requirit. Ne finite hoc decus,
 Germania præ finibus, Italas
 Vrbes, vel extremos Britannos
 Abripere, occiduosve Francos,
 Rivalis illinc Gallia, vos procul
 Limis tuetur, vos Itali volent
 Laudis fuisse negligentes,
 Vos ocido virgil irretorto
 Ferax virorum Hollandiæ, & ultima
 Notant Britanni : Vos borealior
 Scotusq; & audaces Ibæri
 Oceano tumidi reperto.
 Quid quique anhelent discipiant; ego
 Germaniam ista laudis adora
 Confido fulgentem videre
 Vranie hospitio supra omnes

RVDOLPHVS CAVKERCHIVS SYLVIDVX BELGA,
 devoti cultus & amoris ergo, F,

Faint, illegible text, likely bleed-through from the reverse side of the page. The text is arranged in approximately 20 horizontal lines.

Faint, illegible text, likely bleed-through from the reverse side of the page. The text is arranged in approximately 20 horizontal lines.

RVDI PHVS CAVERCHIVS SYLVIVS BELGA
deont. libus & innotis m. 16



PSYCHICAE
ASTRONOMIAE
TABULAE
PR. PR.